

天虛我生著


翔園游戲文集

中華圖書館印行



# 栩園遊戲文集目錄

● 豐都城自治會議決興革事宜案	.....	一
● 不倒翁傳	.....	六
● 林文烟傳	.....	七
● 鈍根先生傳	.....	一〇
● 阿翹小傳	.....	一一
● 雪美人傳	.....	一五
● 郭先生傳	.....	一九
● 吃醋考考	.....	二一
● 虎子傳	.....	二三



- 雪姑傳……………二五
- 麩生傳……………二八
- 憶奴小傳……………三一
- 武進士傳……………三六
- 元緒公傳……………三九
- 無腸公子傳……………四一
- 錦衣公子說……………四四
- 冬烘先生壽域銘并序……………四六
- 戲題顧影憐小影後致徐哲身……………四八
- 東塾戲爲陳蝶仙徐哲身解紛……………五〇
- 憐香小劫……………五二

- 擬上陸文琴女士書……………五八
- 擬枉死城議會議員上酆都縣知事兼執法長書……………六二
- 東廚司命令各屬文……………六六
- 討黃鼠狼檄……………六八
- 新瑜伽漱口……………六九
- 壽頭麻子壽序……………七二
- 擬織女致牽牛書……………七五
- 代牛郎答織女書……………七六
- 祭虞美人書……………七七
- 擬靈鵲訴冤狀……………七八
- 擬請示答刑查驗手續詳文……………八〇

●戲擬仿行酒類公賣策……………八〇

●戲擬山神土地詳覆省城隍司文……………八四

●獨家村之痛史……………八五

●擬推廣救國儲金策……………八九

●滑稽新聞之一……………九二

●戲擬印花土改良銷售法……………九三

●說諧文……………九五

●擬地府推廣警察令……………九七

●儉德會簡章別解……………九九

●新四書……………一〇二

●飛行記……………一〇七

● 戲爲黃包車夫擬造四年度預算表冊	一一二
● 戲擬財神娘娘聲明書	一一一
● 戲擬河塗縣判決竊賊案	一一三
● 擬訂倡妓隨從制服規則	一一六
● 代朱淑真控白香詞譜狀	一一九



# 柵園遊戲文集

天虛我生著

鄆都城自治會議決興革事宜案（民國元年作）

查地府沿襲舊制。一切設施。似專爲補助陽世司法機關而設。別無行政事項可言。以致日漸貧困。逾趨黑暗。向來司法官俸及監獄費均由陽世輸送。冥鏹以資支出。近來神權喪失。迷信漸除此項收入已不足恃。而絡繹送入陰司之鬼。如鴉片鬼。餓鬼。窮鬼。倒運鬼。冒失鬼等。日見增加。枉死城中。幾於容不勝容。司法經費將從何出。若不亟圖補救。實有鬼滿之患。爰擬仿照陽世興辦實利。革除弊害。爲圖鬼國永固之基。不避鬼計多端之誚。此本議案提出之理由也。現經多數鬼議員表決。議定辦法十條如左。

一、地府亟應設立警察。以資預防危害。保全安寧。查有惡狗。村諸狗。向能辨察異言。異服。站崗守夜。尤具勤能。堪以充派。黃泉路上警察之用。庶免另



籌餉給設所教練之煩。其警署長及分署長警官警長等。卽以該狗之大小量予任用。所需服裝得取剝衣亭剝存衣服充用。

二、黃泉路上應設火車直達陰陽界以利交通。查有火廊柱堪以改作烟囪汽管之用。轉輪王殿下舊存輪軸堪以改作車輪。卽就六道輪迴敷設軌道。庶省工料而期速成。鐵路總理公推第十殿所屬推輪小鬼充任。

三、血污池腥穢狼藉有礙衛生。應將油鍋地獄所存鍋內熟油送付鐵路總理以備鬆繕車輛正用。騰出空鍋卽將血污池所有血液運入鍋內熬煉發往陽世充作自來血補劑出售。收入資金卽歸地府公用池內。既經乾涸得取石壓地獄所存石塊填築馬路。並將奈河橋一律填改車路以便通行。

四、地府所有陰兵類多缺額。並多鬼頭魂腦專工鬼混。殊不足以保衛地方。

查陽世有民團之設。用意至善。地府亟應仿設鬼團。以資守望。查有大頭鬼。堪充鬼團局長。應卽招募小鬼。成立鬼團。需用軍械。得就刀山劍樹。取用以望鄉臺。爲斥堠之處。俾便眺遠而資防守。

五、地獄所有刀鋸磨礮。向來專備處置刑事鬼犯之用。似此嚴刑酷律。殊非黑暗世界所應有。亟應保持鬼道主義。化無用爲有用。悉數查明器械存數。籌設鋸板公司及麵粉廠打米廠等。以資振興工業。庶將來編造統計亦足以增鬼國之光榮。其獄內所存肉片肉醬肉粉等類。一律發賑餓鬼。地獄并令油鍋獄卒。往爲治庖。將鋼叉獄所有鋼叉。分給應用。以供大餐。該餓鬼等卽飭充補陰兵。

六、枉死城所有鬼犯。准照陽世現行刑律。分別折贖。收入鎚銀。卽充各工廠基本金。所有贖釋鬼犯。查照陽世提法司所定保護院章程第一條辦法。

防於社會上有危害之虞。一律收入各工廠習藝。以三年爲滿。如至期滿。認爲性質未改者。仍得依據保護院章程第九條規定。轉期延長。至於死而爲嚮而後止。城內鬼犯。既經贖釋。淨盡。卽得拆毀城垣。將所有磚石。用競賣法。賣却。買入鐵路股票。作爲鬼地方公產。

七、地府應設學堂。以資造就鬼材。惟聘用教員。需費不資。查有石壓地獄。誤人子弟之塾師。堪以取締。勒令熟讀新教科書。及法律經濟辭典等書。派充高中小學及法政教員。應給薪水。在冥洋不敷。周轉時。得仿陽世官俸。搭放公債票例。以僧道諷念不足數之經佛等券。搭放至鬼國。萬年償完。兌現。

八、孽鏡臺功用。查與愛克司透物鏡相類。堪於該處設立醫院。其醫生卽派催命鬼充之。看護婦卽派孟婆莊孟婆充之。應用手術時。得調遣穿腸剖

肚。獄。卒。施。行。解。剖。以。資。熟。手。

九、拔舌地獄制度不良。適足以造成無數空口。狂言之妄誕。鬼本應廢革。查陽世金華地方所產醃臘猪舌。每十數條值洋一元。處州地方晏客。尤推尊品。價值倍之。當此地方公款支絀。自應仍舊設立。拔存鬼舌。按月出運。該處銷售。所有拔去舌根之鬼。除擇尤另備任用外。餘均發往陽世。充作議院議員。俾免無端饒舌。以致空談誤國。其剝皮地獄。所有剝存皮張。亦即發往上海溫州等處銷售。其曾經剝去皮張之鬼。發往陽世。充任官吏。俾知切膚之痛。不致剝削人民脂膏。各貨出運。由鬼門關驗明報數備查。一律免稅放行。

十、地府應設公報一種。以通消息。並作言論機關。設立地點。以陰陽界爲宜。訪事員即派活無常死無常充任。排字人以摸壁鬼充之。取其手勢純熟。

另於拔舌地獄選其舌根拔盡能說空話之促狹鬼聘爲記者其報章體例則不拘一格應任記者自由但創設之始尤非確有經鍊者不辦查陽世華報設立最早者爲申報現附自由談體例尤合本報宗旨擬聘該記者前來令入拔舌地獄拔去鈍根俾任斯席以資熟手

不倒翁傳（民國二年作）

翁壽不知其幾何年識者謂其半身已入泥團必不久於人世而翁則頗矍鑠晏會之場翁必上踞高坐笑容可掬喜勸人飲苟弗飲者翁必屈尊與行鞠躬禮軀幹短而且胖顛頊之態足引人笑惟翁無一杯量但近樽俎得聞酒香卽頹然而醉坐立不寧矣腹便便然如有城府與人接席恒笑而不言按其實胸中殊無一物人有稱之爲空心大老官者翁亦笑而頷之一團和氣任人撥弄且染前清官氣甚深居恆則龐然自大若奉指揮則卽脅肩諂

笑僕僕而爲叩頭蟲之形狀矣。特翁亦頗具獨立精神，抱有顛撲不破之唯一宗旨。初次革命事起，翁方踞高位而徘徊四顧，人告之曰：「滿清政府已推倒矣。」翁殆不免於倒。翁曰：「否，吾能獨立，豈復能推倒我哉？」已而果然，人皆服翁之健。二次革命事起，翁亦首先宣布獨立，爲諸人倡。已而北軍南下，諸人皆望風而倒。一蹶不起，惟翁則起倒自如，始終未嘗一蹶。故人稱而頌之曰：「不倒翁。」

### 林文烟傳

賈怡紅謂女兒之身，乃是水做。凡讀石頭記者，莫不笑痴公子之比擬過甚。然以此語移贈林文烟女士，實爲至切。女士乃支那產住流梨地所居之室，蓋以水晶構成，冰清玉潔，雅稱其身。室前垂白幕，幕外繁花如繡，中有噴水之臺，飛泉一縷，自百花中沁出。女士恒以玻璃盞承取花露爲飲，故其竟體

芬芳雖漢宮合德莫與京也。脂粉叢中推爲巨擘。無論男女凡與握手莫不  
 傾倒。女士亦復灑落自如。平時固守金人之箴。但使笑口一開。則語香噴人。  
 詞源如倒流峽水滔滔不斷。不罄其胸中所有。雖夜深亦不睡時。或一睡則  
 衣衾枕席沾惹芳澤。留香輒三日不散。於是艷名四播。到處歡迎。手帕交幾  
 徧天下。五陵年少苟見女士。必先傾蓋。以一通聲氣爲幸。其名貴可想。惟女  
 士爲粵東產。久沾歐化。與墨西哥洋員有密切關係。非有洋員介紹。雖帝后  
 之尊不能欽召。而至苟得洋員介紹。則雖娼優之賤亦與脫帽爲禮。故人有  
 疑女士殆亦所謂楊花水性者也。然按其實實抱冰心不容麝入一點污濁。  
 若或犯之。則立變色。嘗語人曰。妾心有如井水。使我靈魂不離軀壳。則終身  
 殆無橫陳之一日。其高潔有如此。女士亦擅岐黃。人有小疾。一經纖手按摩。  
 則卽不藥而瘳。由是林文烟之名益噪。姊妹效顰。輒亦加意熏沐。冒爲女士。

裝束以供社會上憐香俊侶之求。惟其雙妹雅不屑冒阿姊之名。遂乃獨樹一幟。且攝雙影懸之國門。玲瓏嬌小。流麗端莊。較之乃姊不少遜也。且告人曰。吾姊雖名貴而身之所歸。一惟墨西哥洋員之指揮。是聽辱我國體薄我同胞。恥孰甚焉。今吾雙妹發大誓願。願貶身價以補吾姊之過。此語一出。聞者歡然。爭先趨問。應以何者爲聘。雙妹同聲曰。吾人嘗讀商務書館之國文教科書矣。中有句云。我是大清人。我愛大清國。故吾雙妹雅不必有墨西哥洋員介紹。亦不必有大清國大員之介紹。但得一二小員以禮致聘。則我雙妹必當連袂而至。枕畔橫陳。掌中顛倒。一任君意可耳。於是舉國若狂。爭先致聘。中國之大。幾於無地無雙美之足跡焉。別有一妹亦粵產也。好爲西方美人之妝。故稱西妹。惟香名不如雙妹之著。聲價乃較雙妹爲低。自此三妹出現於世。林文烟之年齡亦且老矣。而驕貴如故。向之歡迎林文烟者。今一



變而十九歡迎雙妹矣。林文烟乃亦倚老賣老，睥睨一切，指而斥之曰：雙妹西妹皆賤貨耳，烏足與我林文烟同日語哉！乃囑天虛我生爲之傳，以待太史公之評斷云。

鈍根先生傳

先生不知何許人，亦不詳其里居。若或詢之，則訥訥不能出諸口。蓋其舌根鈍也。先生與人脫帽爲禮，露其圓光之頂，則如牛山之濯濯焉。時尙燕尾鬚，翹然可喜。而先生則欬下唇邊，盡爲不毛之地。蓋其髮根髭根無一不鈍，故不能貫革而出。或謂以山芋磨擦龜背，輒生綠毛。先生無髮，厥貌不揚。先生無鬚，厥狀不偉。曷以山芋磨之，擦之則綠毛叢生，亦奇相也。先生從之試之，多日仍無一根之毛出現，亦可謂鈍之至矣。先生幼時讀書，先生之先生授以句讀。先生輒若充耳無聞。先生之先生乃耳提而面命之曰：此葺葺之耳。

根又何其鈍也。於是遂以鈍根之嘉名錫之。先生比及成年，知慕少艾，惟情根太鈍，往往不利，乃膺相思之疾，蘊而未發。醫者謂：「一旦疾發，則必無幸。」然歷今數十年，猶未發也。蓋其病根亦鈍耳。先生既授室，閨房樂事固有其甚。於畫眉者，但結褵至今，未聞有呱呱者。墮地人或疑之，詢之先生之夫人，夫人笑而不言。有知之者，因以告余。蓋其命根之根亦鈍，而又鈍云。（拜花按鈍根得此一傳，卽以函答之，曰：「鈍根之根鈍，至於此，不亦天虛我生耶？可爲絕倒。」）

阿翽小傳（民國元年作）

阿翽曩爲西印度土人工於媚術，能迷惑人，苟親之者，則沈緬其終身。至忘日暮，而如醉生夢死，弗可救藥。故其國懸爲厲禁，有試嘗一爨者，殺無赦。以阿翽終爲禍水，乃擬爲流刑，而流入於中國。阿翽雖黑奴之產，顏色無足取。

而其一。種。綢。繆。之。愛。情。直。覺。膠。漆。不。可。爲。喻。眷。之。者。居。以。象。牙。之。房。貯。以。黃。金。之。屋。燃。蓮。燈。以。照。影。絮。語。喁。喁。欵。珊。枕。以。調。歡。春。情。脈。脈。而。阿。翩。輕。盈。之。體。尤。能。爲。掌。上。之。舞。明。珠。入。握。則。炙。手。可。熱。芳。蘭。競。體。直。無。魂。可。銷。蓋。其。溫。柔。之。態。圓。熟。之。情。足。使。人。終。老。是。鄉。而。不。復。有。富。貴。神。仙。之。想。也。且。阿。翩。尤。善。於。周。旋。凡。賓。客。過。從。亦。必。巧。爲。酬。酢。橫。陳。一。榻。設。爲。無。遮。之。會。與。人。行。歐。西。接。吻。之。禮。恬。然。弗。以。爲。怪。其。吹。氣。如。蘭。直。欲。醉。人。心。魄。二。三。少。年。感。主。人。之。情。重。則。忝。附。於。蕭。史。吹。簫。之。列。亦。飄。飄。乎。欲。仙。大。婦。雖。妬。而。惑。其。趨。奉。之。慤。則。亦。衾。裯。與。共。無。復。間。言。阿。翩。或。弗。至。則。必。量。金。致。聘。因。而。聲。價。愈。高。纏。頭。有。時。告。盡。相。思。輒。覺。難。灰。張。西。施。之。網。而。墮。歡。難。拾。開。北。海。之。樽。而。熱。念。愈。張。誠。有。阿。翩。不。至。無。以。聊。生。之。概。則。有。文。園。病。渴。竭。針。砭。而。難。醫。禪。榻。薰。香。攬。芙。蓉。而。益。瘦。其。爲。阿。翩。而。死。者。蓋。已。不。知。凡。幾。人。矣。時。當。有。清。末。葉。士。

大夫競以徵逐爲豪賓從宴會若無阿翩在座直覺無以爲歡於是銀床駢列寶枕相聯倒履之客莫不嗚嗚而吹洞簫橫陳之軀惟見喘喘以嘗異味蓋當其時卷十里之珠簾展千家之瑤席何在而非阿翩者行雲之臺矣馴至鵝班或誤匪眷戀於香衾鮫帳不垂尙沈迷於巫峽鷄人既唱蟲夢猶酣庭燎之光直不敵暗室一燈之堪戀而於是朝庭亦知阿翩之爲崇下嚴令以搜捕無如眷之者直與相依爲命固不可須臾離也雖或被逮幽禁囹圄而此心耿耿實無時不念阿翩旣受相思之苦則不禁涕淚交頤甘爲情死而或者仗黃金之力得通關節雖不獲見阿翩之面但得紅豆幾顆或明珠十粒凡經阿翩之手澤得沾其遺香賸粉之氣亦足以解相如之渴苟其財力較厚聲息較通則雖戀阿翩亦得仰邀翼覆依然優游於黑甜極樂之鄉乃有目阿翩爲織女之化身者謂親之可以大富貴亦壽考彼癡兒女不待

愛○情○之○成○熟○遂○欲○一○口○水○而○吞○之○者○未○有○不○魂○銷○腸○斷○而○死○於○是○調○阿○翹○者○  
 益○賴○其○手○段○之○靈○活○知○不○可○以○焦○急○從○事○也○而○阿○翹○之○名○貴○亦○因○之○愈○著○中○  
 華○光○復○民○國○成○立○一○般○尙○武○之○健○兒○莫○不○執○檣○槍○而○起○於○田○間○聞○眷○於○阿○翹○  
 者○都○習○槍○術○徵○之○弗○起○募○之○弗○應○比○及○往○謁○則○海○紅○帳○下○虛○白○室○中○類○皆○如○  
 蟲○兒○般○蠢○蠢○以○取○樂○也○乃○大○恚○宣○於○衆○曰○吾○儕○拚○頸○血○擲○頭○顛○衝○冒○於○槍○烟○  
 彈○霧○之○中○而○彼○輩○乃○高○枕○無○憂○極○享○其○雲○夢○荒○唐○之○樂○母○亦○苦○樂○不○均○之○甚○  
 哉○乃○重○申○厲○禁○勒○限○以○絕○阿○翹○否○則○以○手○銃○饗○之○而○一○般○戀○阿○翹○者○終○不○改○  
 其○生○同○衾○死○同○穴○之○誓○願○或○爲○藏○庇○或○爲○包○瞞○夜○深○人○淨○輒○復○引○之○枕○畔○以○  
 極○盡○其○綢○繆○然○而○偵○探○四○出○直○窺○伺○於○衾○影○之○間○因○而○賈○禍○者○實○繁○有○徒○而○  
 得○孔○方○兄○爲○之○魯○仲○連○者○亦○復○不○少○俄○而○期○限○屆○至○阿○翹○亦○幾○無○藏○身○之○地○  
 則○不○得○不○韜○聲○匿○跡○托○庇○於○夙○所○親○暱○之○家○以○聊○娛○其○桑○榆○之○景○於○時○邏○騎○

森嚴一般。知幾者已不敢復近阿翮。惟溺愛至於深入骨髓之徒。則猶覺一日不可無此君也。特自保守秘密。以爲此身亦將老於是鄉矣。庸知合德之香能傳徧體。司空之見最易關心。夜半敲門。竟破紗廚而直入日中。爲市遂敲破鼓。以宣刑。民國元年十二月三十一日。槍聲雷鳴。枕藉而死者。不知幾人。宣示罪狀。則皆爲戀阿翮之徒。特阿翮以中國無治外法權之故。仍安然而無恙也。故其縱跡至今。猶未絕於中國。外史氏曰。嗟乎。阿翮之禍人。直有加於酖毒。然而爲中國之禍者。豈獨一阿翮已哉。彼之族人。如莫非亞。如派力。得如薛卜者。且乘間而承其敝。不知世之戀之者。亦有鑒夫阿翮而知所警否。

### 雪美人傳

美人姓滕氏。其先人以字行。行六。人稱之曰滕六。年時喪偶。東谷之黃冠名

嚴四者爲之執柯。娶狐女而生美人。〔演用牛僧儒幽怪錄事〕美人誕於冬至前三十日。維時天女散花。繽紛滿室。白鳳落其羽毛。玉龍墮其鱗甲。珠璣之屑。撒滿堦除。瓊瑤之光照耀庭戶。人莫不以爲祥瑞之徵。比及成人。則胸懷透亮。高潔不可爲擬。而容光照人。雖玉之瑩珠之潤。不足以方其萬一也。惟天性冷僻。常默默寡言。笑喜爲縞素之妝。亭亭玉立。實有一塵不染之概。舍甘后宮中之玉人外。無能彷彿似之。其顏色尤嬌嫩。非惟吹彈不得。卽偶呵之。亦必盈盈欲泣。蓋其孤高娟潔之性。實天賦之也。其姊曰阿青。尤爲嬌弱。惟夜深之際。凝妝而出。迨夫日上三竿。轉復避入。至無踪跡。故美人之稱於世者。較阿姊爲著。人或以其輕盈之態。擬爲風前之絮。是蓋不知美人之潔操耳。旣長。擬字冬郎。而冬郎之父。乃一冬烘先生。初欲爲冬郎聘江氏采蘋爲之室。旣而偵知業爲宮中所選。稱爲梅妃。知禁鬻不可復得。且知梅

妃之色猶遜三分於美人。乃倩滕氏之契友號巽。二者爲冰上人。〔巽二司風見幽怪錄〕聘美人爲兒婦焉。美人旣歸冬郎。而一種冷僻之性。曾不少改。偶爾溫存。輒復羞潮暈熱。汗涔涔然。滲其肢體。竊以冬郎熱中於少艾。爲苦時。勸冬郎讀書而已。則甘伴梅花。寒同不睡。冬郎愛其顏色之皎。嘗笑謂之曰。卿之容光直勝照乘之珠。映我讀書。雖太乙青藜。弗足喻其美滿也。美人則以冷笑對之。冬郎曰。嗟乎。如卿者。殆所謂鐵石人歟。然而鐵石。然而無光也。石者蠢然而無靈也。卿固聰明人。安所願而居於鐵石人之列。豈世所謂可玩而不可狎者。其惟卿乎。美人於是含睨淺笑。迴剪水之眸。展如花之靨。以表其親愛之情。然終不肯爲投懷之玉。燕以就其撫惜也。美人時多病。苦患熱天寒。縞袂絕弗自憐。輒喜風露中獨立。而冬烘先生時復慙懣。慰問美人。惡其頭腦之可憎。每一近之。益覺焦灼。至不可耐。遂不復近。冬烘



先生冬烘先生乃憤然對於人曰有媳若此是犯六出之條矣人皆以美人爲孤潔性成不足爲怪先生乃貶之於白玉堂病乃益劇冬郎固愛美人憐惜備至日者朝暾滿窗室內寒酸計驟升薰籠既撤而溫度弗減美人苦熱至不能勝乃與冬郎含情相對自謂不久人世僂僂之際直以淚珠洗面而香汗如沃亦已滲透重襟冬郎乃爲之緩其約束陳其玉體使袒裼而臥覩此粉裝玉琢之軀憐愛至於無可如何乃效荀郎之所爲向中庭以取冷歸而熨之極盡溫存體貼之至誠而詎知陽臺夢醒則美人者已魂銷而骨化矣檢點衾裯不知是淚是血東坡居士聞而哀之爲之挽曰也知不作堅牢玉無奈能開頃刻花美人之年纔二九耳冬郎既雪安仁之涕遂冷高柔之心不復再娶第從藐姑乞得粉孩兒以爲其嗣葬美人於峩眉之巔外史氏曰彼神瑛侍者謂世間好女兒悉是水做吾向以爲痴兒之誕今觀美人之

化爲水則信然矣。然而世之清白女兒如雪美人者得幾人哉。

郭先生傳（民國二年作）

漢舊儀武帝初置博士擇學通行修者爲官吏稱先生中華光復以後爰復漢制而民國之有數人物則尊之者稱姓而不名是蓋孔門所謂諱名不諱姓之禮也。革命偉人如某某二先生者夫人皆知之矣。郭某之歷史則惟女界同胞知之特多諱秘而不肯言。毋亦埋沒英雄之甚當茲稽勳有典采及輜軒外史氏與有責焉是不可不爲之傳。先生家世殊不可考。或謂史記留侯世家商山四皓中角里先生之苗裔也。又或引楊萬里詩有云吳中介士郭先生卽其人也。然吾考之蒲留仙集中則知先生實產於藤津其爲人極圓熟具有大器御人深得易旨蓋剛柔並用寬猛相濟者也。惟於表面觀之殊蠢蠢然身短小類侏儒然其頭角崢嶸則又望而知爲幹材也。時有發起

男女平權會者先生乃秉熱心挺身投效爲女界謀自由幸福雖犧牲其身磨頂放踵所弗惜也以故女界中之愛重先生直不啻陳安之愛將士（晉書劉曜載記隴上歌曰隴上壯士有陳安軀幹雖小腹中寬愛養將士同心肝）而先生亦奉使維謹凡有指揮無不婉轉如意尤能屈節忍辱能人所不能使爲胯下之鑽儘甘生受若有面上之唾亦聽自乾其涵濡之雍度實灌輸於文明是以先生之名重於一時凡在女界莫不知有先生矣或則開門而揖圖把握以爲歡或則掃徑相迎出醞酬而勸飲遂使先生之身沈溺於其間而無以自主身類匏瓜之繫強毛錐以處囊口若葫蘆之提請使君而入甕先生蓋不勝其煩矣顧猶鞠躬盡瘁一秉其教育之至誠以爲束脞之奉未常可以無誨於是先生之名乃益震民國成立一般女士要求參政權者創爲十年不與男子交接之議先生聞而喜曰此吾主張之目的可以

達矣。不於此日出頭將埋沒其終身。乃竭力運動。鑽營而進。誓甘化身千萬。抱流血主義。以盡人道。願圖效於萬一。維時女界雖創前議。而其間模稜之人。實居多數。得先生挺然而出。知足以謀自由。幸福也。於是全體歡迎。而先生之勢力益膨脹。特不踰越乎勢力範圍之外。是亦先生工於涵養者深矣。厥後諸女士力爭參政權。居然賴先生之力。得以堅持到底。未及十年。遂達目的。諸女士議爲先生鑄銅像。以表其功。或援馬伏波銅柱銘勳之例。以爲先生之貌。不揚抑。且身材短小。殊不足以引起一般敬愛之心。於是採陰山之精。掬溫泉之水。取鑽隧之火。鍊爲銅柱。巍巍然立於鴻溝之界。俾後人瞻仰之者。皆得指而目之。曰：此爲郭先生放大之模型。

吃醋考考（民國二年作）

客以元年十二月二十五日。自由談載了青所作吃醋考。就證於余。余笑曰。

此了青之自由談耳。非誠有所考也。余考國史補。任迪簡爲天德軍判官。軍讜後至。當飲罰酒。軍吏誤以醋酌。迪簡因軍使李景略嚴暴發之。則死者多矣。乃強飲之。吐血而歸。軍中聞者皆感泣。及景略卒。軍中請以爲主。後至易定。節度使時人呼爲呷醋節制。然此不過有呷醋事。而無關於閩閩也。或謂小妻惕於大婦之威。茹苦而不敢言。有類迪簡呷醋之狀。然亦牽附不足據爲信史。或舉博異記。唐天寶中。處士崔元微。從石醋之請。爲製朱旛。乞封家。十八姨相庇一事。以吃醋爲乞醋之訛。則愈覺附會矣。以余考之。則本東坡調季常詩。忽聞河東獅子吼一語。按杜詩有云。河東女兒身。姓柳。季常妻柳氏。性悍妬。季常每晏客。有麗妓。柳氏則以杖擊照壁大呼。客至爲散去。故東坡擬之爲獅子。而河東獅子吼之語。則借用傳燈錄也。後世遂以悍婦爲獅子。續文獻通考云。獅子日飲醋酪各一升。故恒語云。你又要吃醋酪。而酪字。

誤爲語助。遂相沿。勿覺致以吃醋二字爲名詞。按其實則直以悍婦爲獅子耳。或引食譜云。醋能平肝散鬱氣。澤容色。欲使悍婦飲之以劑其平。則又近似而實非。因答客問筆之以質了青。無以名之。因讀吃醋考而有此考。因名之曰吃醋考。

### 虎子傳

虎子不詳其姓氏。或引吳志凌統傳。謂統之二子皆稱虎子。又或引世說。謝據字立道。亦稱虎子。皆非也。吾讀周禮天官註及西京雜記。乃知其出處。今爲之傳。要不必爲之少諱焉。其先世本亦守身如玉。仕於魏。與侍中郎蘇則相友善。得於禁掖。握手相見。其名重可知。(演用魏志蘇則傳事)偶以冶游北里。曠所謂胭脂虎者。乃有胚胎而產虎子於窰中。虎子乘其母氏遺傳之性。褻而好蕩。惟生平不近婦人。而喜就男子。故人每以兔目之。其形狀亦宛

然。兔。也。貌。美。如。冠。玉。好。飲。酒。輒。勦。人。不。得。睡。時。或。脫。帽。露。頂。灌。盞。醒。酣。亦。不。覺。其。醉。時。或。縱。體。入。懷。備。極。狎。褻。而。不。以。爲。嫌。以。故。少。年。游。子。每。出。門。必。與。俱。而。唯。恐。人。之。見。之。爲。弗。雅。則。製。蓮。花。之。積。韞。而。藏。之。混。雜。於。畫。籠。書。囊。之。列。旁。觀。固。弗。辨。其。爲。何。物。也。而。虎。子。亦。輓。伏。於。中。不。以。爲。苦。但。使。背。人。而。醉。以。酒。雖。弗。飯。弗。餒。也。惟。其。飲。量。殊。弗。逮。於。淳。于。髡。時。或。過。量。若。不。使。效。陳。仲。子。出。而。哇。之。則。必。忘。形。弗。覺。席。地。而。臥。若。或。轉。輾。反。側。則。環。藉。不。可。收。拾。矣。其。媚。人。之。術。亦。至。詭。異。蓋。能。效。野。叟。曝。言。中。之。李。某。而。以。人。人。爲。文。素。臣。者。也。且。戀。所。歡。幾。不。能。與。一。夕。相。離。而。又。能。問。人。夫。婦。之。愛。情。雖。衾。稠。之。密。幃。帳。之。深。亦。復。潛。身。而。入。被。底。牀。頭。人。亦。無。如。何。而。能。攢。逐。之。者。厥。惟。垂。髻。之。婢。與。夫。平。頭。之。僕。既。被。攢。逐。則。傾。其。胸。中。積。憤。嗾。罵。人。不。休。必。俟。其。人。去。後。乃。夷。俟。於。庭。階。之。上。或。徜徉。於。花。樹。之。旁。一。吸。新。鮮。之。空。氣。以。資。衛。生。人。

見其質美而文。且有儒酸之氣。咄咄逼人。以爲胸中必有物也。而孰知乃爲酒徒。惟當狂飲之際。則聲琅琅然。能誦春眠不覺曉。處處聞啼鳥之詩。比及明日宿酒既罄。則便便之腹。直空空如也。某年月日。爲悍婦所忿。奮臂而入丈夫之室。曰。不入虎穴。焉得虎子。虎子一聞獅子吼聲。戰慄瑟縮。伏於床下。其時尙爲滿清時代。而豚尾一條。嶄然露於頭角之間。婦乃提而摔之。爲力至猛。不爲朱雲之折檻。竟效綠珠之墜樓。嗚呼哀哉。虎子乃粉身碎骨而死。君子哀之。謂其有餘臭焉。外史氏曰。考虎子之兄。厥名馬子。而馬子以兼能博。婦女歡。且從其便。而於男子則小不便焉。故得克保其終身。惟其穢史。則更有甚於此。故不傳馬子。而傳虎子。嗚呼。虎子不爲瓦全。而爲玉碎。世有類於虎子者。可借鑑矣。

### 雪姑傳



雪姑曩爲虞大博家侍兒。後亡去。(見清異錄)爲木蘭之女奴。(見木蘭雜志)更名蒙貴。(見格物論)雪膚花貌。柔婉至可人意。惟性情特異。具有神勇。目光作金色。炯炯如電。能於黑暗中辨物。身輕健如猿猴。履行屋脊。夷然無聲。若使爲賊。雖空空兒不足與爭也。顧生性不重黃白物。金珠羅前亦若無覩。蓋其衣食自足。固無事乎取不義也。生平疾視鼠竊之輩。苟爲所知。必窮搜嚴捕。執而殺之。不少宥。懼犯罪。則更毀屍食肉。以滅其跡。其舉動甚類劍俠。故人多以英雄目之。邑有女巫曰徐姥。謂其前身爲蕭良娣。唐時人也。(上見墨客揮犀。下見舊唐書)而萬壽寺僧彬師。則謂其具有五德。爲佛之子孫。(見揮塵新談)詢之雪姑。唯唯否否。殊不自承。一日道經陝西莊浪驛。夜宿空室。(見續已篇)擁千狐集腋之裘。而臥。此裘者雪姑之彰身具也。冬則禦寒。夏能辟暑。不容蚤蠶。若於暗中拂拭。則發火星。(見酉陽雜俎)蓋至

寶也。梁上君子久欲得而甘心，乃乘隙伏於暗陬，目灼灼以覘雪奴之舉動。徐聞鼾聲，呼呼知己深入睡鄉，乃蛇行而前，既至其側，驟爲鼻息所射，震懾而死。繼其後者凡十數輩，亦復如是。翌晨起視，則吐腸滿地。（見梁州記）驗之皆無骨，遂悉數啖，盡以充早餐。（見搜神記）有知之者謂其鼻終歲常冷，惟夏至一日暖。（見埤雅）故中其冷氣，輒卽戰栗而僵。後過揚子江，登金山，見寺門所塑啞哈二將，頓悟前因。禮佛一周，遂悉變其殘忍之性而爲善良。（見酉陽雜俎）人以爲異，叩之則喟然曰：天下之大，憑社而居者日益加多，僅賴一我復何裨哉！則不如休休於是，飄然不至所之後，聞入蜀客於唐道襲之家，會大雨雷電交作，遂化爲龍而去。（見北史）外史氏曰：今天下之憑社而居者且愈多矣。咄彼鼠輩，何無忌憚？彼雪姑之遺種，豈盡無之哉！奈何！悉爲尸位素餐之徒，望之非不儼然，而其實則且倚爲爪牙，與之同行無異。

狠。狠。可。勝。嘆。哉。說。者。謂。雪。姑。自。渡。揚。子。江。以。南。已。盡。失。其。本。性。無。復。威。嚴。遺。傳。弱。種。以。至。於。今。固。無。怪。其。然。也。李。純。甫。詩。嘗。笑。廟。謀。多。肉。食。何。如。天。隱。且。糟。邱。蓋。述。雪。姑。之。遺。言。云。

麴生傳

麴生本爲秀才。其資格隨前清官吏而消滅。惟其腹中渣滓糟粕。尙存終不能改其本色。若使開譚既久。卽不免有儒酸之氣。咄咄逼人。故在越中。聲價頗賤。無論販夫走卒。悉與有刎頸之交。尤喜誘人滋事。犯法見有美色。則必爲之媒介。或有睚眦之嫌。又必從而慫恿。以助其燄。對於婦人女子。則更出其甜蜜之手段。且能窺人心裏事。若當歡悅之際。則亦助人爲歡。如爲懷感之時。則亦替人垂淚。以故閨閣中。雖欲弗與親近。而無如晚來欲雪。亦足以聊解溫柔席上小鬟。且復搗箏而勸。因之墮其旋渦中者。實繁有徒。當時大

禹治水至越訪知麴生之行爲沈緬無量將及於亂深惡而痛疾之嚴申禁  
令逐諸境外詎知麴生之聲價乃愈行遠而愈高比至京師則居然建築別  
墅號爲京莊當明季亦已紅袍加身至有清之世益復加捐於是花衣簇簇  
且着四品貂服望之儼然矣王公大臣每有晏會必高踞席上與主人翁握  
手爲禮視同一家而北里中酬酢尤非有生不能歡羣相標榜乃有狀元之  
目顧狀元爲六品冷官殊不能如麴生之紅因別其名曰狀元紅且嘗出使  
歐美冠高冠衣白衣與各國公使晉接亦頗稱許乃晉其號曰行使旋居海  
上開設行棧招集子弟聚族而居洋場十里女閭三百無夕無若輩在座而  
醉翁之意則又在彼不在此也其迷惑人直無可以比喻能爲心腹之患使  
人五臟皆反尤善催眠術能使人盡吐隱秘於大庭廣衆之間凡人爲所侮  
弄輒終日昏昏如癡如夢身疲力軟有類沒骨之蟲而於婦女爲尤甚因而

喪身墮節者有之。因而貽誤大事。招尋巨禍者有之。於是海上懸爲厲禁。夜過十二時。卽不復許。市上有麩生之跡。然而洞房密戶。淺斟低酌之時。生固忝然爲合歡之具也。生亦擅歧黃術。婦女有病。參善歸芍之屬。得生爲之。泡製則功能行血調經。無不到口立效。且具慈善性能濟人之急。凡有跌打損傷。經生熨貼。亦卽勿藥而瘳。生蓋能爲內外科儒醫者也。雖西醫之精。亦嘗借重其大名焉。中華光復之際。一般健兒。亦多仰仗其力。得生爲之鼓動。於是擲炸彈。冒鋒鏑。祇覺胸中熱心躍躍。無所畏懼。以故稽勳論賞。莫不以生爲前提。浙省財政支絀。生慨然以身報效。歲認捐輸十七萬。有奇。因之身值愈高。財政司猶冀其多。特派專員與之周旋。發給印照。凡其子弟起自鄉里。而欲周游天下者。給印照以資護送。故其族人過江而來。莫不高冠絳幘。龐然自大。腹纍纍如五石瓠。若或觸撞。則大聲發如洪鐘。一經決裂。卽不可收。

拾浙人推崇民國偉人一爲黃大元帥一爲湯都督故對於麴生亦尊而擬之爲黃湯云。

### 憶奴小傳

憶奴爲歐羅巴產十年前余在海上作寓公住孟克蘭路備一黑奴爲司閤而越日憶奴自至蓋其未婚妻也挈以面余顏色頗美好年齒甚穉身材嬌小腰不束而細足不纏而纖雙瞳深碧透如玻璃而眉痕淡淡猶未畫也性頗黠慧特惜予不甚了解其語言未能詳詢其出處而憶奴則善於窺余之意依依肘下親暱如小兒女每喜投懷而坐教人撫惜加之膝上亦輕如飛燕其溫柔之態固足使人憐愛也惟見陌生人殊不然人或愛而呼之彼必目怒相噴甚且破口詈罵余呵之則俯首帖服廻身就予而炯炯之目猶眈眈視客也客因之有目憶奴爲河東獅者其形狀亦頗似之予當獨酌苟席

有餘座。憶奴必據而登之。屈膝。跣坐。側頸。含睇。以媚予。分果餌與之。則欣然。就食。否則雖垂涎。欲滴。亦勿敢竊嘗。一鬻蓋其品固自娟潔也。小兒偶遺物於地上。黑奴則趨而食之。獨憶奴以爲恥。縱使色燦燦者。如黃金熱蒸蒸者。如蛋黃布丁。亦夷然勿取。甚且深鄙黑奴。故時時反目交謫。而脫輻之聲。日必數次。一夕夜寒微雪。予圍爐獨飲。而憶奴至。呼之亦勿應。遂恣置之。我醉欲眠。方念被冷如冰。客中殊少人溫。及啓衾而入。則覺膩然。奇煖。蓋憶奴已蒙首而蜷臥於中。呵之弗起。鼻息喘喘。身軀顛顛。爲狀至褻。余惡其蕩。因批其頰。推而墮之。床下渠乃嗚嗚泣。至竟夜嗣後。遂不敢登予榻。比予返里。挈與之俱。家人婦子莫不愛其靈慧。黑奴則蠢蠢然。殊惹人厭。惟司閤頗謹。夜間偶聞聲息。亦必瞿然。驚覺起巡。一周闔以內。則憶奴之責也。憶奴好與兒輩嬉戲。善於跳舞。但不能歌。偶或與小兒女相撲。而踏小兒女。則嗚然易哭。

憶奴雖仆亦勿哭也。踰年黑奴病死。憶奴乃傷戚勿勝。每過黑奴曩日起坐之處。必嗚嗚啜泣。蓋其覩物傷心。實有不能自己者。予姊夙愛憶奴。予因送之姊家。冀其離此室處。或可以稍釋其悲。憶奴感於余姊之撫愛。亦居然安之。隣有小王者。狐裘皇皇。每於門隙挑憶奴。憶奴愬於僕婢。則撻而逐之。然小王之心終不死。一日憶奴偶外出。遂爲小王所窘。憶奴自知力不足抗。乃以計誘之。仰而臥。佯令小王接吻。小王俛首就之。則遽嚙其咽喉。而小王以死幾釀命案。幸而憶奴爲歐西之產。鄰人知中國官吏莫不懼外訟。亦必勿勝。遂勿訟。自是憶奴亦卽足不出戶。余以幕游在外。五年勿見憶奴。辛亥八月革命事起。武昌旣報光復。杭人大族遷避一空。比余抵舍。則凡戚屬之家。均已盡挈其鷄犬爲淮南。舉宅之升。余姊亦徙宅於海上。獨留憶奴爲之守門戶。而室中陳設固已空空如也。予弟適奉檄調爲平昌警署長。因謀盡室。



偕行。瀕行之日。往視憶奴。則淚盈雙眦。嗚咽不勝。而形色憔悴。亦至可憐。余因顧而語之曰。嗟乎。憶奴。吾姊乃舍汝而去。汝盍從吾往乎。憶奴感甚。乃復引予至室中。逡巡一周。余爲之扃鎖門戶。而出。此時憶奴欣喜之狀。直不可以描寫。比登汽車。見予家人婦子俱在。則喜躍而前。投懷以受。撫惜至江干。易車。僕人料理行李。渠乃往來守護。維謹。維勤。舟發。則夜宿於船頭。雖風露侵之。亦勿自惜。內子憐之。呼之入艙。尋復自出。乃畀一毛毯爲之禦寒。每達岸。必從余輩登陸。入市。旣深。或忘歸路。則憶奴必能爲之前導。蓋其記憶力固強於人也。故予等亦喜與之偕行。而桐君之麓。嚴陵之臺。遂亦有憶奴之足跡焉。迨抵龍邱。舍舟登陸。陸行凡三日。度嶺七重。可二百里。而憶奴之程實三倍之。蓋當長途跋涉。籃輿結隊。行從都八十餘人。前車與後車相距可里許。余車最後。每當峯迴路轉。不見前車。則憶奴必力奔而前。逐車探視。至

於空前而後復奔予前以告慰予予憐之使在予車中小坐則游目遠注忽又自奔而去其操勞實有甚於僮僕以故行抵新路灣投店而宿憶奴遂病曠逆不復能飯惟飲牛乳一盂藉地而臥翌日使與吾女共車渠猶數數下一如昨日之行乃命以帕蒙其首俾無所見始得安睡及抵署則已勿藥而愈活潑一如恒時俄報省垣光復時余兼任第四營軍佐遂與邑令磋商建樹白幟而南鄉著匪黃樟發等乘間以起聚衆反抗時予弟兼帶民團荷械出勦憶奴亦告奮相從奔走於槍林彈雨之中狀至驕健且能於夜間視物守險警禦胥有賴焉北門之戰斬獲匪首多級憶奴奔而取之以爲蹴球之戲略無畏色其勇敢有如此日者予弟率兵赴校場演巨炮歸途度木略勺俄焉傾圮人皆墮水獨余弟所立之板塊然無恙惟前後已無路可通憶奴乃奮身入水泅而返署跳躍余前特苦言語不通而其狼狽之狀直皇急至

於極點力牽余衣而去。至則余弟已得舟而濟。惟憶奴以天寒入水之故。遂患大病。疾發於喉。醫之無效。三日而斃。時黃帝紀元四千六百九年十月二十一日也。舉家之人莫不爲之慨嘆惋惜。乃爲製小小之桐棺。葬於平昌北門外之月山下。十一月。余等卸職受代。遂挈眷返杭。爲立短碣於葬處。題曰義犬憶奴之塚。

武進士傳（民國三年作）

武進士者。余初不知爲何許人。時王君杏瑄。吳君川生。沈君堯齡。共席飲。飲次。川生輒行拳與堯齡爲難。杏瑄乃旁致微辭曰。君不畏武進士耶。此語一出。合席譁然而笑。余固不知因何而笑。以衆人皆鼓掌而葫蘆則亦不禁粲齒。及杏瑄詢予亦知武進士否。予乃轉無以應。請爲解釋。杏瑄乃曰。川生乃將門之子。當髫齡時。卽好勇鬥狠。稍有拂意。輒以老拳相向。家人婦子咸莫

敢櫻其鋒。所設裕康錢鋪之夥友。尤畏之如彪虎。日者方與諸夥角力。負者抱頭求饒。莫敢與京川生大樂。顧衆夥曰。若儕鼠耳。惟啗飯數錢。爲汝長技。敢與而翁一握手者。指骨立斷。衆夥弗敢聲。川生乃踞高位而坐。俄有一人岸然。至身長等於曹交之半。目炯炯。其有光。顧見川生。則瞋之以目。氣咻咻。然若有餘怒。衆夥請之坐。徐致詢曰。先生將何之。觀其色。若有不豫。然何也。其人曰。方自朝宗坊來。坊間乃有小兒一羣。可三數十。羣與賣瓜者爲難。拳擊而足。踢瓜碌碌。滿地賣瓜者哀之。弗聽。予咄之。弗應。予知孺子不可以理教也。乃揪其髮。一一摔之於地。前者仆而後者仰。繞予三匝。予乃不得不啓予之足。略一轉動。則此之數十童子。皆伏地哭矣。猶欲起而逐予。比予返身。鶴立。則又望風而靡。而予之怒氣。遂亦無由而洩。若儕有能爲我一洩怒氣者。否衆唯唯。而否否。其人起曰。然則吾將以大校場之千斤石。一洩忿也。夥

友送之出。則作鷺鷥笑。川生叱曰。伊何人狂悖。乃爾。夥友笑曰。小主豈不知耶。大校場之千斤石。其間乃有一孔。卽此人以一拳穿之者。渠生平好與孺子爲難。摔而死者千百人矣。吾甥之禿。卽爲此人所揪。而老王之跛。阿三之跽。亦皆爲此人之所顛仆。川生曰。此人乃有如是之勇耶。曰。然。其人蓋武進士也。川生默然。嗣後每與他人相搏。但言武進士至。則立止。蓋恐其摔也。望見武進士至。則力竄而入內室。竊自屏背窺之。偶見武進士一舉手足。則力犇而奔。雖父師之嚴。亦必借重武進士之名。而後懾服。故其家中人有言曰。川生者。齊天大聖耳。而武進士三字。則猶緊箍咒也。由是十年。川生旣長。膂力尤勝。偶以嬉戲之故。一經其手。莫不狂號如豕。一日方與小友角力。小友不勝一厥。而仆於榻。川生騰身其上。小友力揪其頸。川生則以一手搗其腰。小友笑。幾欲死。舉趾。槌床聲震屋宇。旁人趣爲告饒。不理。衆口屢維。直不可。

辨中有一人逕捉其臂遽被一揮但聞大聲砰然其人竟至觸壁而倒捧額而呻曰孺子無理吾創甚矣衆急趨而慰之川生以爲何人亟舍小友趣往省視則此抱頭而哭者非他乃卽所謂武進士者是也川生不禁大笑則以一手捉其領一手奮搥其背曰武進士武進士武進士曰我何嘗敢爲武進士哉惟君家人囑我冒爲武進士耳自今伊始不敢復冒請以恕我我背痛欲碎矣杏瑄述至此則以一手撫背狀其當時狠狠之態而以一手捧腹蓋已笑不可續而川生亦笑幾仆則以一手指上座之一人曰武進士武進士頽唐至此早該活活打死武進士者誰則卽沈君堯齡是也堯齡先生老矣生平未嘗有縛鷄之力居然冒爲武進士者十年然而真正之武進士安知猶不堯齡先生若也是不可不爲之傳

元緒公傳（民國二年作）

元緒公不詳其姓。自號時君（見抱璞子）一字元夫（見庶物異名疏）面團團若富家翁。平素亦御大禮服。衣鎰衣冠。元冠不見其項。規行矩步。足音于望而知爲大人物也。惟豚尾未去。故嘗曳而藏之於禮服之內。有惡劇者捉其尾。則縮項作鷺鷥笑。捶其背。則廓廓有聲。蓋其禮服之材料爲厚呢所製。其堅硬有如禮帽也。某國肇興。制禮未定。公以平素服式進獻。且言舉世之人無不喜戴高帽而圓角之衣。開襟露腹。中襯套門之領。則挺胸凸肚。黑白分明。氣概益見其軒昂。衆以爲是禮服。遂定授以勳三位（符子載龜爲魯津之伯）公意殊不滿。蓋公於前朝曾膺大夫之封（孫惠龜賦云有鎰衣之大夫兮。衣元繡之衣裳）官爲督郵（古今注龜一名元衣督郵）無不以衣裳見重。今則章身之具已爲大國之母。型論功豈在軒轅氏。叔孫通下乃公眼孔。雖小區區。伯爵詎足以昭酬庸之典。乃卽上書却謝。竟得不次之

遷晉授一位其子孫亦皆榮顯或爲長春院院長或爲女樂專門學校教習靡不聲譽洋溢盡人皆知公於晚而退食自號洞幽先生（見顯異錄）習爲導引之術（抱樸子龜能導引）居嵩山石室中幾忘歲月有見之者謂其面闊而白鬚眉長黑（見陳翰異聞集）猶似新世界之少年也惟公自語每二千年出頭一次（見洞冥記）今者榮膺一位之勳實已第二次出頭矣於是。一般趨附之輩推爲人瑞各衣大禮服匍匐而前以子孫禮相見稱而頌之。曰萬歲某年月日尸解而化裹以巾笥登之廟堂之上（見莊子）子孫爲之請諡政府嘉其有功謂制定禮服實公爲之元勳脫非公者則兩院轟議甯有頭緒遂以諡之曰元緒公。

無腸公子傳（民國二年作）

公子姓彭。先世卽彭越。漢高醢越以賜九江王布。布不知而食。俄覺而吐。（



見蟹圖說）遂生公子。名之曰其。（見呂亢蟹圖記）字曰良豈。（見廣雅）狀貌偉異。頭角崢嶸。性極躁。（見荀子）具有尙武精神。喜弄戈矛。橫行鄉里。關中人目爲怪物。有病瘡者。公子踵其門。瘡鬼俱遁。不但人佈其狀。鬼亦佈其狀也。（見夢豁筆談）且擅文章。金玉其中。故其咳唾亦成珠璣。嘗在成都賣文爲業。長門一賦。本乞公子。捉刀公子說於王吉。讓之。司馬長卿以是文君終身德之。未嘗與一齟齬也。（見成都故事）上嘉其才。令陳藏草制傳獎。（見漫隱錄）盧純列之薦剡。贈一品封舍黃伯。（見清異錄）出爲江湖使者。（見蟹譜）擁劍披甲。（古今注）遂爾跋扈。橫行無忌。故人謂其內躁。外撓。實爲冠帶之狙。（見陸龜蒙蟹賦）有貞女。年三十不嫁。被盜逃。出公子。遮道誘之。致女觸石而死。（見物類相感志）公子哀悔。莫及。嘗作斷腸詩以誌哀悼。同族中有媼。雌曰博帶者。（見廣雅）面團團如璧。月公子愛而慕之。欲以爲

偶。饑。涎。滴。滴。跪。而。乞。憐。終。弗。見。許。嗣。被。蘇。姓。老。髯。以。半。首。詩。誘。之。而。去。因。之。  
悲。懣。欲。絕。作。詩。以。寫。其。恨。曰。柔。腸。禁。得。千。回。斷。斷。到。如。今。一。寸。無。遂。以。無。腸。  
公。子。署。爲。別。號。某。年。九。月。革。命。事。起。公。子。喜。曰。吾。濟。果。欲。橫。行。於。世。此。其。時。  
矣。惟。雄。材。輩。出。各。路。都。督。不。知。凡。幾。良。禽。且。猶。擇。木。而。棲。况。乎。執。戈。之。士。爲。  
人。效。死。者。耶。時。聞。湯。某。之。名。正。沸。公。子。本。抱。趨。炎。之。志。遂。卽。投。湯。當。熱。潮。鼎。  
沸。之。際。竟。能。於。旋。渦。中。施。其。敏。活。之。手。段。屹。立。不。動。砥。如。磐。石。遂。得。紅。袍。加。  
身。於。是。投。戈。解。甲。與。麴。生。爲。友。嘗。語。人。曰。吾。以。膏。腴。之。身。冰。玉。之。骨。而。入。蛇。  
蟪。之。穴。（見。荀。子）折。衝。於。樽。俎。闢。飽。嘗。世。味。鹹。酸。苦。辣。殆。無。不。備。固。知。熱。中。  
之。足。以。戕。其。身。也。故。吾。心。中。久。存。禪。意。自。今。以。往。一。心。向。佛。然。以。宿。昔。橫。行。  
之。故。爲。人。懷。刺。實。深。卒。被。趙。王。倫。所。害。（見。晉。書）陳。尸。於。市。經。西。醫。剖。驗。則。  
其。腦。海。中。果。已。印。有。佛。像。博。士。呂。亢。爲。之。圖。記。或。人。爲。之。題。贊。八。字。曰。英。雄。

氣○概○菩○薩○心○腸○天○虛○我○生○以○其○言○行○足○以○傲○世○故○亦○樂○爲○之○傳○世○有○如○公○子○者○其○能○免○有○殺○身○之○禍○亦○幾○希○矣○盍○觀○於○此○而○有○所○警○惕○否○乎○

錦衣公子說（鎮海幕中作）

錦○衣○公○子○抗○聲○語○其○主○人○曰○羣○雌○粥○粥○非○詈○人○語○耶○主○人○乃○呼○我○曰○粥○粥○我○亦○不○敢○不○謦○曰○喔○惟○我○心○中○實○不○滿○於○主○人○蓋○我○主○人○門○下○之○客○非○獨○一○我○而○待○我○則○殊○薄○些○微○之○俸○雜○以○糟○糠○粗○糲○幾○不○能○下○咽○一○家○之○人○悉○顛○倒○於○醉○夢○之○中○忘○其○昏○曉○非○我○喚○之○起○者○主○人○與○門○下○客○皆○酣○睡○而○無○所○覺○故○門○下○之○客○莫○勞○於○我○與○我○同○室○處○者○人○皆○稱○之○曰○搖○頭○公○子○每○食○不○懽○輒○作○官○場○語○曰○罷○罷○搖○頭○大○擺○踏○其○方○步○而○去○其○旁○一○客○尤○爲○趾○高○氣○揚○曾○於○前○清○時○膺○極○品○封○至○今○猶○高○冠○峩○峩○紅○其○頂○因○隆○裕○太○后○之○喪○遂○終○身○喪○服○不○得○意○時○則○引○頸○長○嘆○聲○如○破○竹○似○歌○似○哭○不○知○其○所○以○然○也○對○軒○一○客○則○以○嚴

子陵先生自居羔裘厚擁白鬚垂項一條豚尾雖已割去尙留其根行則蕩如流星善於趨奉每見子婦則以子姪禮相見尊稱之曰媽主婦樂之寵禮有加而於是彼之頭上儼然出角矣惟其品格自卑卽對臧獲婢媪無論男女老幼亦皆尊稱之曰媽直可笑也其同居一叟似富家翁曾膺三品封居常亦反穿貂服體碩而肥年壽不知幾何但亦望而知爲年齒最長蓋其額際壽紋固已顯然終日蹙額如有重憂氣吁吁然如吳牛喘暍毛長五寸許慣以怒目向人故人咸不欲與之近惟我主人禮之甚厚日進肥酪一斗色白而濃不知其爲杏酪爲牛乳也此老翁者飽食終日無所事事則惟坦腹而臥鼾聲達於戶外體重逾二百磅蹣跚之狀行一步亦取人憎而其龐然自大之態尤咄咄而逼人無論何人與之語但閉目垂耳頹然應之曰唔唔而吾主人不以爲忤吾主人豈今之孟嘗君乎門下食客乃均若輩其果何

所取材乎。故吾大惑不解。用以質之主人。主人笑曰。大抵天下人。甘以酒肉。市交者。志必有所取償。吾於若輩亦然。若輩食我之祿。苟不能爲我取富貴。弄高官。吾將食其肉而寢其皮矣。惟汝具有五德。固不同於流俗。吾豈不汝知哉。惡用是嘒嘒爲錦衣公子。嗒然而退。明日主人責報於門下諸客。皆無以應。乃盡殺之。錦衣公子亦不免。天虛我生聞而哀之。曰。悲夫。食君之祿。報之以身。古今來之忠臣壯士。亦猶是也。不亦口腹累之者哉。世有戀戀於衣祿者。盍鑒諸。

冬烘先生壽域銘并序

先生不知何許人。每屆冬令。必烘因以爲號。焉先生體胖而矮。無論據案席地。坐必蹲踞。不露其足。辮髮盤於額際。人以其無足也。則揪其辮而使之。翦先生噉然應之。不以爲忤。人與之近。溫如霽。如亦頗具有熱忱。故人皆頌。

與之握手論交居恒抱膝而坐仰面向天目灼灼然上應星象似爲老天嘗識特於面部密密加圈以爲熱心人之褒狀其實先生之熱心亦殊不可情若使枵腹從公則卽以冷面向人凜然無生氣矣先生有奇僻好近婦人懼於石榴裙下噓寒送暖依依而不肯去雖以雙趺加之面上起爲飛燕之舞先生亦能以厚臉皮承其纖趾而爲陀羅之轉厥貌雖不雅觀然以性格溫存之故亦復討人歡喜閨閣中嘗舉先生之身加諸膝上以纖纖之手撫其沙沙之面摩其便便之腹先生之體雖胖而一經纖手撫弄亦卽成爲輕骨頭矣惟於其時先生之熱心殆已達於極點若再加以挑撥則卽火性勃發不可嚮邇因此輒受嬌啐先生不甘其啐亦必還使其人捺一鼻子灰而散先生之妻曰湯婆子與先生之性格適成水火故此兩老夫婦輒不願共居處每於夜間婆子臥脚後以避先生先生登床則席不暇暖卽被屏逐於床

下先生固非人不暖者既不獲享衾裯之福嚴寒露臥未有不凍而殭幸而亦有禦寒之具則乳臭小兒之尿單屎布皆爲先生之羈面物也先生於家庭間雖卑鄙若是然在社會上之聲譽亦頗炙手可熱人見其面團團有類富翁故趨炎之輩莫不爭而捧之有若大卵泡焉某年春先生命運告終行將就木乃卜佳城於坑山之側一般從先生游者爭先乞余爲製諛墓之辭格於成例不得不張大其詞爲之銘曰天降大任畀之先生規行足式熱忱可欽盎然其貌錚錚其聲與人接物溫厚和平惟天善佑以享眉壽世無先生羣縮其手坑山之側豈無聲臭銅筋鐵骨斷其不朽

戲題顧影憐小影後致徐哲身

新七夕後余方撫時感序懷想往事鬱鬱不歡以爲神仙中之最苦惱者莫如牛女今乃一歲猶得兩見惟我影憐則悠悠生死無復再見之期回念兒

時共處。未嘗不作永聚之想。當影憐客於小桃花館。時逢七夕。吾母嘗設瓜果爲影憐慶生辰。彼時同在髫年。莫知忌諱。竊相擬爲長生殿中人也。雖無釵鈿密誓。而在天願作比翼鳥。在地願作連理枝。實有同心焉。故余每當七夕。懷想影憐之心。迄今未嘗少衰。孰意七月八日。申報自由談中。忽開奇幕。現一顧影憐之小影。我乃狂喜欲絕。疑爲夢幻。拭目諦視。雖非影憐。然而其人實爲我夙所愛憐之小紅也。註爲哲身之如夫人。則不禁由愛而生妬。何物哲身。乃敢奪我之影憐。而公然有之。幸而予與哲身交近。十稔度哲身必不外我。哲身之得與小紅論交者。則我浣谿紗之詞爲之介紹耳。我於當時實未知小紅卽爲影憐後身。苟其知之。安肯不攘爲己有。而轉爲哲身之媒介。歟。今我追悔莫及。覩茲覩影。念此芳名。我心油然。幾不自知。是驚是喜。哲身爲我知己。殆亦憐我憫我。我心坎腦印中之影憐小影。殆將歷久而消。



滅於無形。以此一幀聊慰我相思之苦。則哲身之愛我誠無以復加我於小紅。初不敢有如何之思想。然而既見影憐。則我之心又不禁習習作癢。哲身嘗願天下有情人。都成眷屬。我與影憐之缺憾。哲身亦深知之。今乃奪我影憐而已。有之復以小影驕我。我誠不能不怪哲身。或者哲身初亦未知小紅卽影憐也。今以小紅自承爲影憐。固知影憐於我尙有未了之緣。但勿審我之心尙復念及影憐否也。則姑令開幃一見。以覘我之肺肝。嗟乎我誠不能以謊語對哲身也。影憐者我嘗與有他生之約。而况乎今生哲身果憐我者。則亦許我爲紫雲之乞乎。多情如哲身。要不肯讓古人。爰敢恃愛請命。乞影憐之。如夫有以答我。如其不然。則聊齋中之保住。恐必重見於今日。而影憐之。如夫之。如夫人。終必至於保不住而後已也。

戲爲陳蝶仙徐哲身解紛

東 塾

士也。罔。極。葩。經。曾。著。明。文。人。盡。可。夫。盲。史。非。同。臆。造。拈。花。惹。草。自。古。已。然。  
感。慨。驚。彪。於。今。爲。烈。乃。者。蝶。仙。哲。身。兩。君。以。小。星。之。競。奪。啓。中。葦。之。紛。爭。  
孫。秀。不。情。攘。綠。珠。爲。己。有。李。靖。無。賴。挑。紅。拂。以。私。奔。在。蝶。仙。顧。影。深。宵。未。  
免。驚。鴻。有。句。而。哲。身。聞。箏。靜。夜。豈。能。求。凰。無。歌。思。彌。缺。憾。於。情。天。爰。托。微。  
波。於。醋。海。夫。呂。家。不。韋。力。能。盜。秦。齊。氏。慶。封。功。深。易。內。古。今。人。豈。不。相。及。  
姻。緣。簿。未。免。注。錯。應。請。兩。君。以。出。岫。之。行。雲。易。在。山。之。泉。水。倘。麗。綃。故。我。  
依。然。顯。出。紅。砂。欲。滴。則。杜。牧。尋。春。雖。晚。何。嫌。綠。葉。成。陰。覆。手。雨。而。翻。手。雲。  
轉。移。甚。便。東。家。食。而。西。家。宿。利。益。均。沾。倘。或。傳。書。遞。簡。鑽。穴。踰。牆。以。北。里。  
之。微。嫌。效。東。鄰。之。韻。事。將。見。陳。家。老。僕。現。出。龜。形。許。氏。說。文。注。成。鸚。字。恐。  
非。兩。君。之。所。願。聞。而。亦。更。埜。所。不。忍。言。者。也。何。去。何。從。予。求。予。取。惟。兩。君。  
自。擇。之。

憐香小劫（白話小說體）

鐺！鐺！！鐺!!! 什麼響。有人道。今兒禮拜四。這是某縣公署的法官老爺升堂了。這位法官生得好一個儀表。穿一件白紗長衫。那腰身約有半丈來寬。挺着一個大肚皮。踱索。踱索的出來。人還未到面前。他那肚皮却先到了。生一個木魚頭。剃得光油油的。睜着兩隻銅鈴眼睛。垛起了一張蒲包嘴。鼓着兩個皮老虎的腮。那一種形景。好不威嚴。人家說他像個蝦蟆。真是的。評這位法官老爺。當時氣氣吼吼的。爬上公案。往下一望。不覺吃了一驚。你道爲了什麼。原來地下跪着一個嬌嬌滴滴的小女子。梳着一枝烏油大辮。穿一件柳條小袖衫兒。一雙菱角似的小脚。手裏拿着帕兒。捧着臉兒。只是嗚嗚咽咽的哭。却還不會瞧到他的容貌。這位蝦蟆老爺發聲道。唔！儂是捨格人。爲捨跪來。浪快點起來。故歇是中華民國。勿通行跪格哉。那女子答不出。

話來。只是嗚嗚的哭。旁邊走上一個穿烏藍粗布小衫。醬燒白布袴子。剃着半邊頭。赤着一雙脚的一個黑炭男子。縮着頸子。向上唱一個大喏。道這小女子是公民的妻子。因他不服教訓。申斥了他幾句。他便乘夜逃了。好不容易才被公民查到他家裏。躲着說時。便指一人。大家看時。那人是個鄉下老頭子。他就忙待分說。却被庭丁一聲吆喝。叫他不許插供。他就嚇昏了。往堂下退去。又被法警一把扯了轉來。這時候說書的就顧不得許多。只好話分兩頭。把這驚堂拍的拍上一下。述着法官老爺的口氣。對着那女子道。儂阿是叫做賴憐香。旁邊走上一個老婆子道。我女兒便叫憐香。我便是賴陳氏。我這女兒今年才十六歲。我那女婿姓虞。小名叫做鵝鵠。今年二十五歲。三月間把我女兒搶去成親。我原說我女兒小着當不起風浪。誰知我那女婿百般虐待我女兒。有一點兒不如意處。便打我女兒。我女兒吃不起苦。才逃

到。舅。公。家。去。如。今。我。女。婿。說。是。舅。公。拐。了。我。女。兒。去。被。我。女。婿。叫。了。地。保。總。甲。老。爺。把。我。女。兒。和。舅。公。捆。做。一。起。送。到。案。下。求。法。官。老。爺。作。主。法。官。道。格。末。噉。哈。話。頭。原。叫。耐。女。婿。領。子。轉。去。罷。哉。因。便。分。付。那。個。鶻。鴿。叫。他。具。結。以。後。不。許。虐。待。妻。子。那。鶻。鴿。到。得。堂。上。也。就。軟。做。一。堆。諾。諾。連。聲。只。那。女。子。聽。說。仍。教。丈。夫。領。去。他。便。號。啕。大。哭。道。老。爺。救。命。吓。奴。要。撥。俚。打。殺。個。吓。法。官。道。胡。說。胡。說。儂。曉。得。吵。鬧。法。庭。是。有。罪。名。個。吓。女。子。哭。道。奴。情。願。死。勒。蓋。答。格。橫。豎。轉。去。也。是。個。死。奴。情。屬。搭。老。爺。一。淘。死。勒。蓋。答。吓。於。是。抱。着。公。案。桌。脚。號。啕。痛。哭。這。位。法。官。老。爺。也。不。理。他。竟。自。站。了。起。來。退。了。法。堂。打。赤。膊。去。了。這。女。子。也。不。知。道。法。官。還。在。不。在。只。是。哭。着。求。着。口。口。聲。聲。只。叫。救。命。惹。動。公。署。裏。面。一。班。人。出。來。看。時。這。女。子。已。是。哭。得。淚。竭。聲。嘶。只。拿。自。己。的。頭。和。桌。脚。去。碰。他。母。親。把。他。抱。住。早。已。滿。口。白。沫。慘。無。人。色。越。顯。得。齒。白。唇。紅。

眉清鼻秀。却只眼睛閉了。淚珠如泉一般湧着。還在地下亂顛。只求速死。仍是抱住桌脚。死不放。手幾乎把公案掀翻。法警見勢不對。上前去扳他的手。當被知事喝住。可奈這件公案是法官斷的。挽回不得。大家只好忍心看着他罷了。此時那女子別無言語。只說回去也。是一個死不如死在這裏。只把頭往磚地上碰去。可憐一個螻首蛾眉。已經變成一個泥塑的魁星。這時大家看不過去。內中少不得有那憐香惜玉的人。請知事替他作主。這位知事也不免發起慈悲心來。忙去和法官商量。把他母親叫進川堂裏面。問他到底是怎麼樣。結下這頭親來。那母親哭道。別的也不用說了。總之我女兒身材生的太小。因此我女婿恨他。日也不中用。夜也不中用。把我女兒當做冤家一般。我女兒也把他當做老虎一般。如今法官老爺仍叫他跟着老虎。睡怎麼不害怕呢。我女兒性命多分送在今日。我也沒得說了。知事先不懂。

他的話。後來纔明白了他的意思。只聽外面人聲鼎沸。他女兒將快碰死。因道現在你女兒一時胆小。不敢隨他丈夫回去。你且把他領回你家。住個把月。好好地勸勸他。再送他去罷了。那母親道。我把女兒帶回家去。少不得又被打上門來。搶了轉去。他說殺了我女兒。埋了屍首。還要問我要人呢。我怎麼當得起官司。可憐我一家小人家兒。又沒得錢。又沒得勢。又沒得力。我只有和我母兒一淘兒死了罷呢。知事到這地步。也就沒法了。到這時間。說書的。却替他打了一個主意。列位若不嫌我是個胡講。我便加銜兒講與列位聽者。在下當時獻上一個妙策道。我想這女子。回到丈夫家去。自然不免挨打。說不定弄出人命。若使他母親帶回。自然不免打上門去。說不定釀成搶案。況且法官斷了。叫他丈夫領去。如今又叫他母親領去。一堂兩斷。也不是個正理。若是爲慎重人命起見。不如把這女子。暫時帶到知事公館裏去。請

太太勸導勸導。要是勸得好。也是成就了人家的夫婦。要是勸不轉來。就應該保持人道主義。救這女子一命。把他丈夫傳來開導一番。他的聘禮。只有三十二塊錢。便加上一倍給他。另外討個黃臉婆子去。要是他母親拿不出錢。知事橫豎有二百塊錢一月的官俸。便替他墊上一注。將來仍好取償。於他丈夫身上一面把這女子認做了乾女兒。一面把他丈夫派充一個署內的職員。假使不識字。不懂事。橫豎知事署內的飯桶多着。也不爭差他一個。派做徵收處的職員。也可。或是教育科的科員。也得過上兩個月。少不得該給七十二塊錢的官俸。除了八塊飯錢。剛剛六十四塊。那時再說知事抬舉。他要給他做媒。一面對那女子說。給他嫁一位科員老爺。一面對他丈夫說。給他娶一位知事的乾小姐。自然兩面都沒有不願的了。這叫做君子有成。成人之美。列位。你想這個主意。錯也不錯。無奈說書的說上這一席話去。那



位原判官道唔！唔！！唔!!!撒爛屎撒爛屎要說材力不勝的話那本法官也。是。一。個。大。塊。頭。若。是。此。風。可。長。將。來。本。法。官。的。太。太。也。效。起。尤。來。怎。麼。得。了。怎。麼。得。了。於。是。那。個。女。子。哭。得。死。去。活。來。依。舊。被。他。母。親。將。他。和。小。孩。子。一。般。抱。了。家。去。不。知。後。事。如。何。且。聽。下。回。分。解。旁。人。有。打。油。詩。道。

彩鳳隨鴉事可傷  
甘拚一死在公堂

輸他桌腳經芳抱  
惹我旁觀也斷腸

磚地定留頭角印  
案幃深染淚花香

遙憐今夜三更後  
血戰應當又一場

擬上陸文琴女士書

讀報知美人券已在取消之列。一場掃興。正不獨當局者爲然。然爲女士設身處地清夜以思。直有難乎爲情者矣。杭州闕麟書結婚以擅列朱都督之

名爲証婚人而取辱。今女士以列關讞員之名爲贊成人而不得行其志。母亦不如意事無獨而有偶也。夫以女士抱救災之熱誠。至不惜此可貴之身。以殉慈善之名。殆亦本於賈子烈士殉名之說。意固不在於汲汲焉求畫眉人也。前日雜傭於自由談會話。曉曉爲女士饒舌。彼蓋不知女士之心。夫暗中摸索。遇人不淑。亦意中事。惟世間至聰敏者。莫女子若。詎有不先自爲之計。而懵懂於一時哉。以我思之。彼皇皇然之選舉票。尙可爲弊。況乎美人券之開標耶。此果可無慮焉。女士之有此舉。實具菩薩心腸。徇青樓進化團之請。而毅然以身作則。將使青樓中人起而效之。脫水火而登衽席。此其造端焉耳。循茲以往。無論青樓中人不難脫藉。卽彼小家兒女嫁娶爲難者。亦儘得仿而行之。果使得成佳耦。此中自是天緣。抑且博取美名。亦是差強人意。天下事之一舉而數得者。誠無有過於此。若非女士之冰雪聰明。寧能夢想。

到此此僕之所以欽佩而不能不恭維者也不謂世間事乃有嫌其過於便利者阻而止之豈不大可惜哉雖然吾爲女士一再思之言出如矢既入人耳有力難拔况乎大張曉諭墨藩未乾其爲指天誓地之宏大誓願竟可汨然而消滅歟天下人將謂美人券乃類於美人計美人局矣是大不可諺有之曰天下無難事只怕有心人讀告白所載女士固贊成青樓進化團者告白中且爲之註曰實行人道破除階級則知青樓之地在女士心目中實無異於家庭間也以一元之彩券而視等王三小姐之彩球則又人盡可夫矣有志者事竟成豈必因稍微之阻力而遽灰素志爲今之計彩券固干禁令然如收受一元之金錢而不必給以彩券且又出於納人之所願當然無干禁例或恐人之必不肯徒手而納此一元則彼青樓中之清倌人局洋價亦如是固未聞有所不可者概可知矣但使改良其原定美人券例聲明自今

以。往。概。不。發。券。有。與。女。士。同。心。者。請。以。青。樓。進。化。團。爲。相。見。或。通。信。之。地。但。必。以。金。錢。贖。自。一。元。以。至。十。元。百。元。不。論。則。蟲。蟲。蟻。蟻。之。輩。自。必。屬。金。而。至。務。必。以。多。多。爲。益。善。也。又。或。仿。大。律。師。談。話。之。價。格。以。鐘。點。論。亦。爲。有。例。可。援。出。之。正。大。庶。彼。傾。慕。者。亦。得。一。見。顏。色。不。致。如。李。笠。翁。所。謂。叉。袋。中。買。妻。之。笑。柄。也。如。其。兩。無。情。感。則。任。其。爲。丹。陽。客。人。可。矣。如。是。行。之。則。事。半。而。功。必。倍。至。於。開。標。之。舉。不。如。竟。免。蓋。無。論。如。何。終。不。能。自。明。其。無。弊。稍。存。知。識。者。莫。不。知。其。爲。明。明。故。爲。之。也。則。何。若。竟。由。女。士。自。擇。之。爲。愈。既。經。覲。面。談。心。則。其。人。之。足。以。當。選。與。否。芳。心。中。自。有。權。衡。從。而。記。之。亦。甚。易。易。迨。至。閱。人。既。多。不。妨。更。爲。甄。別。以。求。造。乎。其。極。豈。不。操。縱。自。如。哉。依。律。師。談。話。費。之。例。預。算。三。萬。元。之。數。不。過。爲。期。一。年。較。之。原。定。婚。期。亦。不。過。延。遲。三。百。夜。耳。吾。知。女。士。當。不。致。如。溫。處。災。黎。之。飢。渴。也。如。何。如。何。還。請。就。商。於。張。君。戰。

如。

擬枉死城議會議員上豐都縣知事兼執法長書

知事先生大鑒。知事亦知前知事之所以不能終其事之故歟。度知事未必盡知。則不敢不爲知事告。前知事當下車之始。儼然以一縣之主自居。禁令百出。一若撫有百里。將爲子孫萬世之基。而不知適以養成其五日京兆之資格也。夫民國之官吏。不過國民所僱用之公僕耳。所謂主人翁者。吾國民也。而吾議員爲國民之代表。則凡爲公僕者。宜如何仰體主人之意旨而秉承代表之指揮。不然者。是爲忤奴攬而逐之。固有權也。鬼世界亦何獨不然。惟前知事殊不解事。倒行逆施。必欲大拂主人之心。主人嗜煙。乃必三令五申。懸爲厲禁。原心而論。不過爲保全祿位計。官樣文章。不得不爾。然則虛行故事可也。乃必派員四出。嚴密搜查。幸而調查員亦我輩中人。故凡我輩仍

得享高枕無憂之福。唯彼小民，不無恐懼。然而我輩因之得一大宗之入款。爲叢毆爵爲淵。毆魚亦猶差強人意。奈何並私娼而禁之。查違禁律第三十一條第五款之規定，不過爲保護公衆衛生而已。據警察教練所講義錄對於本款之解釋云：（實則防止徵毒，保全健康，其最重之點也。）又云：（行淫而不以得金錢爲目的者，則非本款所罰之範圍。且罰得金錢而行淫者，而於與金錢而行淫者，則無罰。）又云：（與金錢而行淫，爲受毒者自與金錢而自受其毒，非法律之所罰也。）據此，則凡私娼而爲我輩所歡，縱使有害衛生，害我輩耳。與知事何與？且知事能以何種證據證明其爲賣淫？既無刊載廣告，明定價單，亦無領收證書，出納簿記，是不能確指爲得金錢而行淫也。明矣。又且違警律條文規定，係屬暗娼。而此間之私娼，則倚門賣俏，艷幟高張。凡我士紳，莫不公認爲俱樂部。彰明較著，無所爲暗查。暫行新刑律第十

條內開（法律無正條者不問何種行爲不爲罪）則既認爲私娼名目其不適用暗娼之禁律亦明甚然而禁者自禁私者自私猶無傷也奈何又并又麻雀而禁之查暫行新刑律第二百七十六條規定（凡賭博財物處一千元以下罰金但以供人暫時娛樂之物爲賭者不在此限）又麻雀之戲僅以籌馬爲勝負籌馬雖亦稱物然而非財物也官廳若認爲財物與金錢相同則請以完納正稅其亦收受之否乎又況此等賭博不過逢場作戲並且賭博之場所爲私娼之家所賭之物爲私娼之目的物卽刑律但書所稱供人暫時娛樂之物耳安得爲罪乃必派令多數警察攫奪賭具敗人清興查暫行新刑律第三百七十條內開（意圖爲自己或第三人之所有而以強暴脅迫強取他人之所有物者爲強盜罪處一等至三等有期徒刑）又第三百七十三條內開（強盜有左列行爲之一者處無期徒刑或二等以上

有期徒刑)第一款(侵入現有人居住之宅第建築物)第二款(結夥三人以上者)據此則該警察等直當認爲強盜知事爲第三者惟某等夙以恕道待人亦知前知事之不知利害而漫爲此事故僅小示戒懲略予申斥該知事亦尙知趣後遂禁令大開與民同樂本邑治安亦遂不治而安惟其剛愎性成終有不能盡如人意之處彼以爲法權在握儼然神聖不可侵犯遇事請託輒以交情之疎密職權之大小而爲從違而定訴訟最後之勝敗彼蓋不知神聖不可侵犯者實議員耳非法官也法官者不過主人家所雇之一庖丁已耳令其殺鷄而乃烹鴈(見莊子)亦悖謬甚矣彼其心中猶以爲議員之尊權不敵議會故每重議會之公牘而輕議員之私函不知議會者僅一機關耳其構成之分子則議員是也議員中雖亦有賢不肖之分然而黨有大小勢有強弱君不見每一議案必經多數議員表決乃始成立彼



矯矯獨立者庸有濟乎不此之察而徒汲汲焉以圖名譽以求永固安可得哉安可得哉此前知事之所以終於免職而去也貴知事蒞茲伊始而行使職權頗有類於前知事最初之行爲夫前車可鑒來日方長爲主人翁者甚以不得一忠馴之僕爲憾故於新來之人實有厚望焉其好爲之慎毋意氣自豪以爲天下不患無噉飯處須知去而之他凡在本國範圍以內又莫不易地皆然也其三思之再本地報紙係本議員等之本黨機關報而其他各報在地訪員類皆本議員之子姪甥孫輿論至重於貴知事前途實有莫大之關係焉并以奉聞并請傳知佐治職員書不盡意惟照不一

### 東廚司命令各屬文

照得中華民國成立以來君號已除王稱盡去本司原有職名載在周禮祭法列爲五祀之首稱爲司命證之民國官制與民政財政教育提法各司同

爲一等二級文官。查照大總統命令。凡屬官對於上級官廳。不妨直稱官職。則各該屬對於本司。上行呈文。應即遵照現行公文式。直稱本司爲東廚司。命惟現值革命時代。應將命字革去。仿照民政司。財政司等例。稱爲東廚司。庶合體制。乃查近來尙有仍沿習慣。妄稱本司爲灶君。灶王者。適足以惹起火頭軍等革命思想。萬一蓄意推翻。豈非倒灶。抑且撫躬自問。何用鋪張本司前身。雖爲顓頊氏之子。而先世亦曾爲炎帝。（上見周禮注下見淮南子汜論訓）要之時代已遷。舊時資格已在。當然消滅之列。何得因復塗偵對於衛君之一言。并惑於唐志廓鏡聽之譚語。而漫爲沿襲。（戰國策復塗偵謂衛君曰。昔日臣夢見灶君。又唐志廓鏡聽詞曰。匣中取鏡辭灶王）須知若輩因誤聽於王孫賈。而圖取媚於本司。豈足爲訓。合亟通令一體知悉。嗣後不得再有君王之稱。即灶神二字。亦當避忌。免貽神道設教之譏。致來迷

信神權之誚。又查民間有稱本司爲竈司老爺者。尤屬荒謬。民國官吏已廢大人老爺名目。何獨以此不文明之徽號加之。本司並應一律禁絕。除軍界不屬本司權限。另文呈請都督傳知火頭軍大竈小竈司務長等外。爲此令仰研上童子。突上紫官（見酉陽雜俎爲竈神所屬）即便轉飭所屬廚娘竈婢挑水夫烟肉太歲竈頭老虎竈壁鷄等一體遵照。毋違切切。此令。蘇吉利（見五經通義）

中華民國二年一月二十九號（即陰歷十二月二十二日）

討黃鼠狼檄（民國二年作）

咄爾跳梁之輩。忽然憑社而居。瞰中央之色。種託於黃附中山之黨。心原是黑。每簸錢而自喜。口嘖嘖。其有聲知忌器之難投。目灼灼焉。似賊放救命之屍。則臭氣薰天。肆當路之威。則血腥徧地。緬此出柙之獸。誰助其奸。慘彼籠

中之雞。悉膏其吻。嗚呼。迎貓不至。胆竟包身。負狼橫行。頭將生角。占延。隨之。將滅。類恐無噍。痛張湯之已亡。皮將誰相。若不亟申天討。何以保障人權。用是吸墨三升。噴作五里之霧。裂紙一幅。草爲六丁之符。殲必聚而成邱。拙則礫之成壘。毋謂神邱深穴。竟薰鑿之難施。須知淳于鬱林。有技術之可恃。聽我一鼓。下手爲強。任彼兩端。抱頭何及。鬚則拔而作筆。牙則取而造車。皮則剝而爲裘。肉則醢而下酒。豈不快哉。何其壯也。此檄。

### 新瑜伽噉口

慨自革命以後。死人如麻。冤氣不伸。誠恐鬱而爲厲。擬於新中元節。延自然僧。設建超度。惟舊瑜伽不適用於新人物。爰爲增改。以資普召。

一心召請勝朝故后。末代先皇。八旗將士。都逃十代。江山斷送。白無中生。有喧傳北伐。民軍死裏逃生。甘做中華廢帝。嗚呼。無可奈何。寧讓國如。

斯而已。便升天。如是喪身敗國之流。怕死的孤魂等衆。云云

一心召請堂堂督撫赫赫將軍。但教頂子常紅。不惜心兒變黑。(白)拋來炸彈。魂靈飛上九天。捧出關防性命。僅存一線。嗚呼。但求無事。旗翻白盡。托同胞種變黃。如是貪生怕死之流。嚇死的官魂等衆。云云

一心召請熱心志士。革命健兒。爭誇天保城中。競說黃花崗上。(白)流完鐵血。拚將大好頭顱。喪盡良心。成就許多都督。嗚呼。兔死狐怨。新刊典鵠巢鳩。占舊祠堂。如是陣亡將士之流。送死的孤魂等衆。云云

一心召請當今國士。蓋代偉人。號稱福國利民。實則爭權奪利。(白)董狐不作。能逃一字之誅。黃雀相隨。偏飲六門之彈。嗚呼。甘省空開。追悼會九原。難保未亡人。如是沽名釣譽之流。打死的英魂等衆。云云

一心召請同盟女俠。參政英雌。此身不惜犧牲。那話何庸寶貴。(白)舍生取

死說來革命有功。轉女爲男。快去投胎轉世。嗚呼禍水冲坍平等路。陰風吹殺自由花。如是不甘雌伏之流。狂死的芳魂等衆云云。

一心召請一班怪物。四黨同人身爲魃子。馱旂眼看瘟神拜帥。白情殷附驥彈來。劉李之冠技慣吹牛。吃飽孫黃之屁。嗚呼一點正經都沒有十分反對。盡虛無如是興風作浪之流。爭死的頑魂等衆云云。

一心召請巍巍兩院。袞袞諸公。雖然一票爲難。儘有千金肯賣。白神通廣大。墨壺生翅而飛。性命交關。首席抱頭而竄。嗚呼國會竟如新戲館。陰司無此好茶坊。如是清談誤國之流。吵死的蠻魂等業云云。

一心召請烏烟老。黑籍冤魂。千金罰款。難籌五等徒刑。甘受白一床草薦。可憐萬念俱灰。半寸桐棺。贏得全身落土。嗚呼枉死有人先飲彈。餘生無處再吹簫。如是老槍大癩之流。戒死的冤魂等衆云云。

一心召請死亡百姓遭難流民已經家破人亡還要兵荒馬亂(白)一身何罪脂膏刮得精光大衆皆僧國土難登極樂 嗚呼不死也愁無路走投生還恐做人難如是銜冤抱恨之流苦死的亡魂等衆云云

一心召請幾家小報各黨傭奴言論號爲文明世界變成黑暗(白)有聞必錄雞毛亦當文書惟利自圖狗盜也稱神聖 嗚呼老宋有知應蹙額小唐無奈不揮拳如是妖言惑衆之流該死的遊魂等衆云云

壽頭麻子壽序

壽頭麻子者不詳其家世其友人滑頭麻子欲與結納思有所以諛諛之者乃乘壽頭麻子壽誕之期勑余爲序固辭不獲爰就滑頭麻子所述行實仿諛墓之例爲之序曰先生姓壽在家庭間爲元首故加徽號曰頭以其面部微有凹斑人遂稱之爲麻子其實乃先生之福相故天公加以密密之圈也

隱居鄉間。足蹟不履城市。布衣菜飯。淡泊自甘。有古隱士之風。光復之際。民軍需餉孔殷。鄉間富戶。動被強迫輸捐。怨聲載道。獨先生慨然曰。吾家幸有擔石儲蓄。民軍之所賜也。且吾既爲國民分子。詎能免於捐納。乃罄所有以獻。民軍得一磁面五彩之勳章。或告之曰。此勳章乃上海商務書館所發行之紀念品耳。五銅元即可購得一枚。子乃以倉米百石易此區區。不亦慎乎。先生曰。否。吾之所以輸助軍餉者。乃爲國民應盡之義務。豈爲勳章計哉。聞者偉之。此足以見先生之愛國心矣。先生嘗倩成衣匠製大呢禮服。匠知先生生平。未嘗製一長衣。度其可欺。則索材料四倍於人。而工資亦昂十之七。或告先生。請其計算。先生莞爾曰。同胞四萬萬人。貧富不均。一旦冠服革新。安望通國之人。禮貌適度。故吾甚願集合一萬萬同志。各令此匠製禮服一套。則其所賺之料勢必以廉價出售於人。庶我四萬萬同胞。皆不致有無衣。



之嘆。此又足見先生對於社會上公益之熱心矣。先生居恒出而乘車之資亦倍於人。先生曰：勞勩界以苦力卜升斗，損於我者小而益於彼者大。吾何爭此錙銖哉！此又足見先生之以慈善爲懷也。先生原抱獨身主義，好色不淫，嘗腰纏十萬，走馬於章台間，卒至床頭金盡，未嘗一嚮，故在花叢中莫不傳誦壽頭麻子之名，謂爲馬融弟二。此又足見先生守身之潔也。先生老而無子，人家小兒女輒願請爲螟蛉，採用日本民法而爲養子緣組，或謂先生百年而後財產悉將他屬，先生曰：然爲兒孫作馬牛者，其愚不可及也。諸螟蛉果能爲予相續之人，則吾壽氏一姓且將滋蕃天下，至便宜事，殆無過於養子。別人爲我撫養，而我以之爲嗣較之躬自鞠育者，勞逸爲何如乎？聞者咸服其識，是又足見先生之經濟亦足以見先生之曠達矣。凡此諸端，凡人莫不笑其爲愚，而在君子觀之，則覺其道德之心實有大過人者，是無怪乎。

壽頭麻子之名盛稱於世而壽頭麻子之壽又比衆特長古語所謂必得其名必得其壽者殆爲壽頭麻子先生而特設者歟先生之壽幾何則已二百五云。

擬織女致牽牛書（民國四年作）

金風玉露居然盼到一秋相見在卽心爲之躍明日之夜耶君來就妾耶妾來就耶君耶非有預約且恐相左往歲輒在鵲橋之上牛車相值幽會竟夕苦爲風露所欺殊於衛生有碍自今伊始爲天長地久之計必當籌定一種良策茲值歐洲戰事舶來之品來源告竭外國綢緞因而大貴中國織物亦將供不應求妾年年織錦存積頗多倘以輸出下界得價必優擬於空中建一樓閣君來妾往適當其中既不耗却可憐可貴之光陰亦得免於載欣載奔之勞苦耶君如以爲然明日務乞帶同洋行小鬼前來俾得當面議價將

所有存貨盡行出脫時不可失幸速圖之。

代牛郎答織女書

正切馳盼得來書大慰早知銀牆碧漢間亦能傳遞書簡悔不日日寄一封書也卿意擬將雲錦輸出下界甚善甚善向不敢以此請者爲念十指勤勞一梭辛苦粉潔脂香之手澤豈可付諸俗子凡夫今承卿意不以爲嫌則僕不敏竊有進焉近見風報載稱杭州所出一種錦緞現價漲至每尺半元吾卿所織七襄雲錦雖不知其丈尺幾何姑作七丈計則每疋已售得三十五元每洋一元得兌大錢一千三百餘文但使售出三疋已得百元有奇可兌大錢十餘萬矣曩欠天錢十萬初以愚直之故不知天錢一文究值若干近得某大律師解釋謂天錢二字實係一大錢三字併書如果履行債務而吾丈有所不可則彼必當出蒞天庭爲我辯護由此而論卿果肯以雲錦出售

者吾儕之債務。可以立時清償矣。更以其餘修葺予之田舍。改爲洋房。與卿共室而處。正不必別構空中樓閣矣。而余之牛亦將無所事事。宰而殺之。以供大餐。豈不快哉。喜極無寐。坐以待旦。書不盡意。容面罄焉。

### 祭虞美人文

維年月日。烟霞窟主以空盤一具。空斗一隻。殘燈一點。老槍一支。哭而致祭於虞美人之靈曰。嗚呼美人。汝竟與汝所謂愛汝者。長辭永訣也耶。我之愛汝。直同性命。憶昔相逢。我方渴病。感承卿意。與我接吻。情逾膠漆。佯形傍影。燈邊小語。口香微噴。肺腑之交。肝腦爲沁。楚腰一搦。纖不盈寸。入懷飛燕。無此嬌靚。巫雲一榻。春痕滿枕。今汝之身。化爲微塵。空床轉輾。捫之無痕。衾邊枕角。餘馨空存。孤燈照壁。黯然而昏。夢中彷彿。出門四覓。昔遊之地。風流頓歇。歡苗愛葉。剗除淨絕。既無望於再生。將奈何兮。今夕痛黃土之一坏。亦銷

聲。而。滅。跡。言。念。及。此。能。無。涕。泣。嗚。呼。痛。哉。吾。生。有。涯。相。思。何。極。拚。形。骸。之。消。損。存。生。命。於。呼。吸。美。人。有。知。盍。爲。我。思。今。日。之。我。乃。類。於。癡。沈。腰。益。減。潘。鬢。成。絲。垂。死。之。病。蓋。已。多。日。一。息。之。存。殆。無。幾。時。嗚。呼。美。人。在。天。之。靈。倘。憐。惜。夫。惺。惺。汝。其。來。格。而。來。歆。尙。饗。

擬靈鵲訴冤狀

訴。爲。身。遭。踐。踏。不。勝。壓。力。乞。賜。免。除。徭。役。事。竊。查。下。界。中。國。素。號。專。制。人。民。苦。於。徭。役。故。有。人。不。如。鳥。之。嘆。願。自。民。國。成。立。以。後。戶。役。法。亦。經。廢。止。具。見。世。界。已。進。文。明。惟。獨。身。等。每。年。七。夕。仍。須。服。役。填。橋。相。形。之。下。仙。凡。勞。逸。轉。成。反。比。不。且。貽。笑。於。人。間。乎。世。有。空。中。造。橋。之。諺。蓋。言。天。下。事。之。無。從。着。手。者。也。身。等。當。此。苦。役。背。負。肩。承。使。盡。虛。勁。卒。致。羽。毛。剝。落。患。勞。傷。而。死。者。蓋。已。指。不。勝。屈。宛。轉。哀。鳴。誰。其。矜。恤。較。之。飛。而。食。肉。者。賞。罰。豈。能。言。均。夫。以。天。

帝之孫步小於蓮身輕似燕身等仰承芳澤固自距躍歡迎但其襪羅輕點之時輒足令人骨爲之酥心爲之癢萬一忍俊不禁同墮慾海則此重咎誰能勝任此鵠等所以翼翼小心不勝惶悚者也尤不堪者牛郎體笨身粗大踏步來已自不勝其重乃復牽一牯牛亦與此會四蹄並下臭汗淋漓鵠等渺小之身不幾爲踐踏如泥耶不識牛郎何心挈此蠢物而爲良伴而以天孫之尊亦並歡迎此畜牲者誠百思而不得其解鵠等與牛分屬平等彼乃龐然自大橫施壓力恥辱之甚寧有過此此鵠等所以憤憤不甘必欲同盟罷工者也伏念天帝既許牛女二人一年一會則牯牛本善泅水正不必藉鵠等架空之術達摩蘆葦大士蓮花彼無知之草木尙且能渡弱水况乎牛性猶人而謂其不如鳥乎爲此訴請察核可否特乞天恩免除此役一面勅令牛郎自後渡河卽當効仿老子而翹翹之鵠尾固不如磬磬之牛背穩也

庶俾鵠等得免再抱戕尾之痛而使彼牛亦得一逞吹皮之技鵠等甘爲牛後頂德上訴。

擬請示答刑查驗手續詳文（民國四年作）

詳爲尊重人格。請賜解釋飭遵事。竊讀本年十一月三十日報載黃陂縣知事對於徒刑易答條例第二條之規定。平擊其臀云云。以應否脫褲施行。詳請高等廳核示在案。當奉通飭以脫褲受答殊失尊重人格本旨。若不褻脫又易取巧弊混。爰定由執行官於執行時僅令着單褲一層。並須先自查驗不准夾物搪隔等因。具見鄂省長官奉行惟謹之至意。知事同爲民國官吏兼理司法。對於此例自應一體遵行。無或岐異。惟於執行手續上竊有不得不專詳請示者。蓋以查驗之際。若使知事趨近犯人身畔。鞠躬俯就。伸手摸索。似於形式上有類捧馬屁之行爲。而心理上亦不免起龍陽之感念。若不

脫袴而爲查驗。則隔靴搔癢。仍恐不免有夾物之弊。若使脫袴就驗。則犯人高舉其臀。赤屁股與知事當面。偷其偶一不慎。一屁彈來。豈不有失知事之尊重。抑且大庭廣衆之間。旁聽席上。保無婦女。則知事但觀其後。猶可忍也。而旁觀者。瞻之在前。寧不赧赧然哉。此於尊重人格之本旨。要皆有所未當。知事籌維再四。頗難決定。而原文但言查驗並未規定。應否脫袴受驗。自未便冒昧執行。爲此詳請察核。俯賜解釋查驗方法。批飭遵行。實爲大便。謹詳。

戲擬仿行酒類公賣策（民國四年作）

讀報知酒類公賣局。已奉大部核准。飭由京兆財政分廳。妥籌辦法。並迅速詳擬章程在案。現將推行全國。歲入一萬萬元。操券可得。聚斂之策。實至且盡。中國富強。誠可立而待矣。惟某竊有進者。全國四萬萬人。未必人人嗜酒。每人每年。負擔酒稅五角。若無二萬萬人嗜酒。則此一萬萬元之收入。要亦



未。必。可。持。抑。且。酒。價。騰。貴。並。非。人。生。必。要。之。品。或。竟。因。而。減。銷。亦。在。意。中。爲。聚。歛。計。稅。率。不。厭。其。苛。稅。源。務。求。其。穩。則。以。酒。類。收。歸。公。賣。何。若。以。糧。食。統。歸。官。賣。之。爲。得。也。查。食。米。平。均。每。人。每。日。約。需。一。斤。若。以。食。米。收。歸。官。賣。比。較。酒。類。公。賣。辦。法。每。斤。加。價。二。分。是。每。年。每。人。負。擔。米。稅。可。得。七。元。三。角。以。全。國。四。萬。萬。人。計。算。年。可。收。入。穩。固。之。稅。二。千。九。百。二。十。兆。元。較。之。酒。稅。直。加。三。十。倍。許。而。人。民。以。食。爲。天。尤。無。反。抗。之。餘。地。似。於。厲。行。惡。稅。政。策。並。無。違。背。爲。此。擬。具。章。程。開。列。於。後。以。供。撰。擇。

一、凡中華民國領土上除租界外所有田畝出產五穀概須報由糧食官賣局聽候收買不得隱匿及私相授受並不許自種自食其收買價格由官賣局定之。

二、凡中華民國國籍人民除在國外僑民及外國人居留於本國國內者外

需用糧食必須向糧食官賣局繳價領購。每人至少須在一斤以上。不滿一斤者亦須照一斤繳價。

三、全國各省縣城鎮鄉市原有私立之糧食店自糧食官賣總局成立後概須繳納特種營業稅並請領登錄證書認銷糧食。歲額若干先行具繳全額或半價於官賣局聽候隨時給發以資出賣。即認該店爲官賣分賣機關。

四、人民習慣南北不同有食麥麵不食米者每日每人亦須負擔米稅二分。但由國家予以俸給者在服官年內得免輸納此項米稅以符取之於民無損於官之本旨。

五、違背本章程者之罰則另訂懲治反抗米稅條例及施行細則施行之。但至少當處以一千元以下九百九十九元以上之罰金。

六。本。章。程。以。中。華。民。國。最。後。之。一。年。行。之。

戲擬山神土地詳覆省城隍司文（民國四年作）

詳爲奉查烟苗蝻子實已淨絕事案奉 鈞司飭開江蘇省內現奉巡按使實力搜查烟苗懸賞挖掘蝻子一以剷除毒卉慎重外交一以保護嘉禾顧全民食固已法良意美可謂積極進行特恐吏惰民偷難免敷衍故事並聞江北等縣竟有奸人散布烟籽之事而江南各處尤有委員隨地得蝻之報似此搜不勝搜挖不勝挖非有神助何以告厥成功爲此飭下查勘等因奉此遵經派委千里眼順風耳會同齊天大聖土行孫等分頭查勘去後旋據復稱烟苗一項現值禾麥叢生無從察看但各縣印委早經結報肅清有案當然無復存留至於散布烟籽之說要不過如小說家之伏線文章不必定有其事即使撒有烟籽亦可保其不能發生蓋於搜挖蝻子一役實有相互

之作用也。查搜挖蝻子方法。必須掘土尺許。翻起搜尋。各該印委。雖未能實力奉行。處處挖掘。但據人民稱述。近來知事類係前清能員。搜刮地皮。實其能。事故有經官一任地低三尺之諺。是地皮既經搜刮。地面上之烟籽。自必可保其無。若地皮下果有蝻子。勢必粒粒檢出。按斤領價。何肯放棄利權。至於烟苗。尤屬奇貨。發生之地。既可充公。犯罪之人。尤可重罰。一舉數得。爲之官者。詎有不知。由此推想。足知所有地皮。實已搜刮淨盡。斷無蝻子。煙苗存留之地。儘可放心等語。據此。復經小神等訪查無異。緣奉前因。理合備文詳復。仰祈察核。謹詳。

獨家村之痛史（民國四年作）

却說梁山泊的大盜。這一日竟把一封戰書。交白日鼠投到獨家村來。上面略說限你二十四秒鐘。快把田房財產盡數交割。否則大兵到來。雞犬不留。

這獨家村中衆家兄弟聽得這個消息個個磨拳擦掌一片聲嚷說如果強盜敢來我們一定殺他一個片甲不回快把來使宰了正嚷着中間一個老者道慢着慢着你們鼓着勇氣果然可敬但是我們村裏又沒得兵器這些鑷刀斧鑿怎敵得他的那些槍砲一個道你老人家不要短了自己的志氣強盜至多不過來了幾百我們村裏人少算也有幾千十個打一個難道打他不過便有槍砲也不過一砲打了我們兩三個人還有七八個人趁這當兒跳近身邊去一刀一個怕不宰了他十七八頭來老者道若在岸上果然我衆彼寡不怕什麼但是他們來時必從水面上來我們又沒得兵船好去水面上攔他只在岸上守着如何抵敵得住我們即使也有大砲轟將過去未必得準多分落在水中他若一砲轟來總在我們村裏少不得有幾家子屋破人亡所以我想終是不打的好有幾個道我們已在關王廟裏發過咒

的誰怕什麼死。只要你老人家發個命令。我們馬上就去。有幾個道發誓呢。我也發過的了。只不過明明看見一隻老虎來了。我身邊又無寸鐵。教我走在前面把腦袋送向虎口裏去。我可不去。有幾個道強盜真個來了。你們都不打緊。好拖着棍子逃的。我們這些拖兒帶女的女眷。可不是遭了死劫。有一個道我也這般想呢。如果我們這個村莊竟被強盜硬占了去。死的不必說活的都做了俘虜。比做奴隸還要不如。田房財產不要說起。當然是全挂子歸了他了。而且仇深切齒。要殺要剗。還有什麼好說。我想不如和和善善的送給了他的便宜。衆人道豈有此理。放屁放屁。天下有你這樣的混賬東西。好沒志氣。當下七張八嘴議論紛紛。莫衷一是。但還守着規矩。只望老者說出一句決絕的話來。大家便好一心一力的對付強盜。誰知這老者心裏早已打定主意。隨你一般。後生小子。天高天厚的說去。他却慢慢地回到家。

中向床上一躑嘆一口大氣道。這般血氣方剛的孩子。懂得什麼。不想我這獨家村所有的田地財產。雖說是我家的。但只田地上的出息。每年要還鄰家的。佃租財產上的利子。大半要還鄰舍的。債務按到實在。早已不算是我家的了。如今強盜來劫。只算是強劫鄰舍家的。於我什麼相干。我又何必去替鄰舍家出這死力。罷罷罷。只要我睡着的。這張眠床。還得安穩。以外的東西。隨他去罷。來來梁山泊的天使。我便都依了你罷。這話一出。梁山上強盜果然滿了意去。只聽得村中一片聲。嚷將起來道。哎呀吓吓。氣死我也。獨家村不是你老頭子一個人的私產。如何一個兒做起主來。不承認。不承認。打！打！打！強盜打不過。打打你老頭子。可是一等拿手。於是一唱百和。只一下裏。便把個獨家村。鬧得天翻地覆。也有乘勢打劫的。也有借端殺人的。直攪得鬼哭神號。屍山血海。其中還有沒見識的人。竟把小強盜捉來打死了。

一個登時梁山上大夥強盜一齊闖上獨家村來始終免不過了一場浩劫。先是村裏人打村裏人後來強盜來打村裏人再後來鄰舍請了官兵來打強盜再後來強盜雖然打退梁山泊也踏平了但是獨家村已經變了五家坡了再後來這五家鄰舍因爲分配不均又打起來直打到沒個收場不知後事如何在下也無從說起只記得後人有詩道：

弱肉強吞無可說

臥薪嘗膽最相宜

越王便是千秋鑑

暴虎馮河不足奇

### 擬推廣救國儲金策

救國儲金總額不過五千萬。元以全國四萬萬人口均之每人但須出洋一角二分五釐卽足以湊成此數。現距民國四年年終尙有二百餘日若使每人每日儲錢一文則至年終亦可湊成此數。是誠輕而易舉之事也。擬爲推



廣辦法如左。

一於各市鄉等處。設立救國儲金分櫃。卽以就地市鄉紳董掌之。由總事務所印發一種印花。分爲一文。五文。十文三種。凡納儲金者。按數給與。（說明）此種印花。積滿若干。得以換取獎證。或請封贈褒揚。人心好名。千古不易。此端一開。儲金必大踴躍。且必有人躉買。

一無論大小人家。各自計算人口。連僕役傭人。一併若干。按照人數。每日每人。應各儲錢一文。由家主負擔之。官署店家。妓院。仿此。光棍乞丐。則本身負擔之。（說明）救國儲金。純然爲良心上之輸出。故不必按戶查丁。防其隱匿。蓋每人每日。僅僅出錢一文。八口之家。亦能勝任。而堂下百諾者。更無論矣。卽爲乞丐。亦不過每日多費乞取一文錢之工夫。何慮無着。

一前項一文錢之捐法。是爲常捐。不妨年年行之。現在一時繳納多數儲金。

者。可作特捐。其人苟具救國熱忱。要不妨仍納每日一文之經常儲金。（說明）以中國之大。欲興實業。欲練海軍。區區五十萬元。不過一度之開辦費耳。爲永久計。要不可無常年的款。與其將來再由政府強制征收。不如預早垂爲定例。以全民信。

一各種商店。爲招徠主顧起見。不妨趁此機會。一出風頭。凡購本店貨物。卽以貨價十分之一。助入救國儲金。於收價時。掣給印花若干。付與買主。（說明）藥房書坊。恆有贈彩之舉。何如改行此法。戲園妓院。尤可以此號召人客。羊毛出在羊身上。此種轉嫁的輸出。實於商家有益無損。

以上辦法。雖覺瑣碎。但積少成多。爲力滋厚。在輸出者。亦必不以爲苛。苟其力足以一次繳納一年之費者。亦正可以聽其自便。若照現在辦法。譬之和尙化緣。開簿面者。已書助千金。而最少數亦復數元數角。富翁見而皺眉。貧

者。望。而。却。步。恐。不。易。收。全。效。也。質。之。當。局。以。爲。如。何。

滑稽新聞之一（民國四年作）

近來銅床鐵床市價大廉。各洋行家存貨山積。絕無銷路。內地木器店。所有踏步湖式等床。以及藤棚綜墊。亦均無人顧問。寧波溫州等處。所產席子。亦無銷路。而茅柴刺薪。則市價飛漲。一般木作工匠。現今改業爲樵。以供社會上之需要云。

江北猪仔銷路銳減。而販猪者獲利反多。因將毛猪賣與屠戶。所得代價甚優。此猪被宰以後。仍可將猪肩回。毛骨血肉。肚肺腸腎。一無損失。惟不能第二次賣錢耳。蓋猪肉實無人買。所爭買者。惟猪之苦胆耳。一猪只有一胆。供不應求。故膽價甚大。聞每兩已漲至六百五十串。據統計學者大量觀察。謂中國人浮於猪。每人平均至多不過能嘗胆一毫。

上海製造鉛字銅模作坊。現開夜工趕造一種銅模。以應各報館澆字房之用。聞所造銅模總數雖多。實在只得兩字。因此兩字。各館所備二三四五號銅模之內。均只每樣一個。日夜澆鑄。尚不敷用。故必添配多數之模。始克濟用。按此二字。現在新聞告白時評小說均繁用之。卽愛國二字云。

### 戲擬印花土改良銷售法

印花土一經剪開搗碎。或熬成膏。或成烟泡。卽失保護之效力。而成犯罪之證據。人民惕於刑罰。竊恐銷路不無窒碍。而印花土只許買不許吃。揆之情理。亦不可通。此等愚民政策。誘人犯法。要亦非我賢政府所忍爲。茲擬改良銷售方法。倘亦當局者所樂於採擇者歟。試舉於左。

一、改印花土爲印花煙泡。由政府特派專員督造。開一極大工廠。雇用烏烟老將專製此種烟泡形式。略如鎗彈。乘熱時用雕刻銅版陰模印成。極細。

花紋並字以杜假冒。

一、將救國儲金所擬開辦之兵工廠先行開辦專造一種官賣煙鎗其煙斗與鎗枝連合處加用封條不許開挖每至塞窒不通必須繳還官廠另出官價領用新鎗其他燈籤各種附屬品亦由官賣。

一、烟鎗收還烟灰即歸官有由官廠配合印花土熬打成泡獲利必厚。

一、烟泡既有凸紋印花雖在臨吸時亦可辨認不致冤屈平民誤蹈法網其有不善吃高裝烟者勢必不擅把火易於塞窒一經重捏印紋必致湮滅即可按照刑律科罰收入愈豐。

以上辦法似較給發吸烟牌照尤為有利無弊一般大癮家亦必歡迎而印花土之銷場亦必廣暢且於製造廠中尚可位置多數總辦司員食之者衆為之者疾生財大道其在斯矣。

## 說諧文

諧文以詼諧而成。文章者是也。詼諧而不文，則笑話耳。不可以爲諧文。抑且方音各別，風俗互殊。此以爲可笑者，述之於彼，未必以爲可笑。笑林廣記爲中國笑話大觀。其實可以博普通之一笑者，什不得其一耳。繆蓮仙之遊戲文章，不過以文章爲戲游耳。非諧文也。故吾以爲文字中，殆莫難於諧文。自古迄今，諧文亦復爲汗牛充棟。求其一二，足以供人噴飯者，又什不得其一。或以文字形容，足供一噱而述爲白話，則卽索然無味。以白話述之，則堪捧腹。演爲文字，則亦索然無味。諸君不信任以何種之笑話，演爲文言，或以諧文譯爲笑話，以示於人，其足以博人一笑者，恐百不得一矣。蓋諧文大都偏於諷刺而笑話，則但取於解頤述笑。話者得以聲色爲助而爲諧文者，惟賴字句傳神。此其感動於人者，固已判然分其優劣。故聆笑話而前仰後仆者，

在。在。有。之。讀。諧。文。而。啞。然。失。笑。者。百。不。得。一。也。且。吾。嘗。於。此。中。研。究。凡。述。笑。話。者。假。使。其。人。正。襟。危。坐。侃。侃。而。談。則。無。論。何。種。可。笑。之。話。亦。不。足。以。引。人。之。笑。必。也。一。語。既。出。自。以。笑。聲。提。倡。而。後。應。之。者。譁。然。蓋。人。之。笑。與。呵。欠。等。亦。一。傳。染。病。耳。諧。文。則。異。是。苟。其。人。於。窮。愁。極。憤。之。時。則。以。滴。淋。痛。快。借。題。發。揮。者。視。爲。可。貴。苟。其。人。於。沈。悶。鬱。抑。懷。想。美。人。之。際。則。以。纏。綿。悱。惻。者。視。爲。可。貴。若。或。反。之。則。皆。視。爲。取。憎。之。物。耳。夫。以。文。字。刊。之。書。簡。書。簡。乃。無。知。識。之。物。詎。能。投。其。所。好。而。博。其。人。之。歡。笑。故。諧。文。之。不。足。以。博。人。解。頤。者。宜。矣。綜。觀。古。籍。足。使。讀。者。破。涕。爲。笑。者。平。心。而。論。未。嘗。得。有。一。篇。周。紅。樹。有。言。曰。作。諧。文。爲。諷。刺。語。易。爲。解。頤。語。難。旨。哉。斯。言。於。以。知。人。世。難。逢。開。口。笑。直。名。言。矣。游。戲。雜。誌。乃。以。諧。文。爲。冠。意。蓋。欲。使。開。卷。之。人。得。以。一。笑。而。破。千。愁。然。吾。以。爲。天。下。人。惟。笑。最。難。試。執。途。人。而。問。之。曰。惟。汝。生。平。亦。有。可。笑。之。事。

否乎。其人必將搜索枯腸，以爲我可笑者，未必人亦以爲可笑。終而至於雖可笑者，亦皆視爲無甚可笑，必不能發一言而去。游戲雜誌，乃必課人以諧文。毋亦惡作劇哉。聚星堂作雪詩，有禁體。吾竊欲於諧文一欄，亦有禁體。所禁維何。曰：勿作諷刺語，必作解頤語也。諸君亦有能之者否乎。吾則敬謝不敏。故吾所作之諧文，亦以諷刺語爲多。其實非諧文也。撫躬自愧，用爲此說，以就正於諸君子。諸君子其亦有以進而教之否乎。

### 擬地府推廣警察令

案查鬼國元年十二月間，據酆都縣知事轉送該縣城自治會全體鬼議員議決興革事宜十件。第一件內開：地府亟應設立警察，以資預防危害。保全安寧。查有惡狗村諸狗，向能辨察異言異服，站崗守夜，尤具勤能，堪以派充黃泉路上警察之用。庶免另籌餉給設所教練之煩。其警署長及分署長警



官長警等即以該狗之大小量予任用所需服裝得取剝衣亭剝存衣服充用等語當經本府核准訓令酆都縣遵照組織在案旋據該縣呈請採用陽世編制經由本府任命狗頭爲警察事務所所長狗心狗肝爲枉死城惡狗村分事務所所長並由各該所所長薦任四眼狗等爲四鄉派出所所員各該狗等任事以來尙能克盡狗職鬼論翕然上年陽世二次革命鬼世界得免波及厥惟狗警檢辦理得力之功爰經本府仿照陽世現行警察官吏獎勵懲戒規則舉行年終考績委派老黃狗爲警務視察員會同酆都縣知事按所實行考驗將狗頭狗腦狗心狗肝等分別量予褒獎記功以昭激勸在案惟據視察員報告酆都縣境遼闊現在各級自法機關均已仿照陽世辦法一律停止輔助鬼官廳辦理鬼政機關悉惟狗警察是賴而狗務紛繁狗盜充斥僅此少數惡狗充任警察實屬不敷分配茲據陽世某警察廳批答

二。郎神代狗呈詞（見游戲雜誌第一期滑稽文）允將陽間野狗大批運送前來查此項野狗既係警察廳專案保送自必具有警察資格狗材難得時不可失合亟令仰豐都縣知事即在枉死城惡狗村等處發貼布告招攷狗警多名開具名單並核就地情形推廣警察區域增設分駐所或派出所即將考取各該狗派充六等警察務達徧地皆狗無警不察之目的毋稍延誤切切此令。

### 儉德會簡章別解

一不狎邪 謹按邪者不正之謂也。狎者親而近之之謂也。以廣義言之。無論男女。凡有不正之行爲者。皆當目爲之邪。舍正人君子外。皆不當近。以狹義言之。則所謂狎邪者。卽杜牧之狎邪游也。私娼密賣淫。是爲不正之營業。而小星姬妾。亦非正室。皆當目爲不正之列。可玩而不可狎明矣。以

法理論之。則公娼爲官廳所許。通姦無夫之婦。不爲姦。非則凡爲法律所不禁者。其爲正當。可知。要不在本條取締範圍之內。且白茶圍可打。鑲邊酒可吃。但使一毛不拔。一文不費。亦卽合於儉字之本旨。

二不賭博 謹按博者大也。賭而曰博。是大賭也。大賭足以破產。自不合於儉字之義。故依本條解釋。小麻雀可又。豆兒牌九可打。狀元紅可擲。橫塘鏞角之攤。可搖。但勿拚命狂賭。籌碼輸却。卽起身打賴。亦不失儉字之本旨。

三不必以酒肉晏客 謹按不必者。非絕對之辭也。酒也。肉也。則爲單獨指定之品。本條文義。以爲晏客。未始不可。但不必定以酒肉爲饌。既有魚翅。燕窩。蝦仁。鴨子等類。卽不必定有大塊肉爲之後盾。食肉者鄙。若必以肉晏客。將以爲主人鄙之矣。至於酒。則紹興燒酒。本非珍品。若以普通之酒。

餉時髦之客。豈足稱晏。故曰不必。若以白蘭地。惠司格。香檳之類。晏客。則固不名爲酒也。然而更有進者。吾人既遵會章。不必以酒肉晏客。既曰不必。自無必要之可言。則不妨於終年終世。老吃白食。當亦不失儉字之本旨。

四不必華服 謹按華服者。中國之服也。不必華服之對面文字。卽是必要。西裝。西裝服式。冬令只須領袖用皮。以壯外觀。不用皮裏。不穿棉襖。棉袴。只須一套。衛生衫袴。一件背心。一條呢袴。一件外衣。便足過了。一冬。豈不省錢省事。然而穿中國粗布單小衫袴。能於風雪中。聳肩縮頸。度日卒歲者。正不必改穿西服。故本條之規定。特用不必二字。不曰不得華服。而曰不必華服。正以取其便宜。以期合於儉字之本旨。

五不輕寒素之士 謹按所稱爲士者。不過四民之一。其他如農工商等。當

然不在本條規定之內。則輕而賤之可也。又所謂寒者反乎熱之謂也。惟讀書之士。能不趨炎不熱。中固當重之。然而條文不曰必重。而曰不輕。蓋亦有深意存焉。寒酸之士。不可與近。窮措大。動輒絕糧。借貸爲累。不淺。烏可器而重之。故曰不輕。蓋亦輕之不可重之。亦不可也。若如孟嘗好客。管鮑分金。則又何儉之有。

以上五條。謹就原定條文。加以詮釋。將爲入儉德會。而不履行儉德者。辨護之地。敬以質之會長。不識能准如法律館之箋釋理由。得與原證並存否。

新四書

子見南子。發憤忘食。門人問曰。何爲其然也。子曰。好色人之所欲也。由也嘖。惡人之所好。是謂拂人之性。必殺之。子路曰。賊夫人之子。人可殺與。來勇者。

不懼不讓於師。唯送死可立而待也。子曰：野哉！由也，好勇過我。予死於道路乎？請勿復敢見也。

子曰：賢哉回也！不待父母之命，自行束脩以上，不學詩，不學禮，有酒食，先生饌，不出三日，必饜酒肉，而後返。待先生如是其忠且敬也。賢哉回也。

子疾病，三月不知肉味。有餽生魚於鄭子產，子聞之曰：魚我所欲也，巫馬期以告館人，求之弗得。反命曰：校人烹之，割不正，不得其醬。夫子喟然嘆曰：命矣夫！天之將喪斯文也，魚餒而肉敗，啓予足，足予手，鳴鼓而攻之。

齊人有一妻一妾，居陋巷，不改不樂。子在川上，窺見室家之好，喟然歎曰：我獨無往者，不可諫來者，猶可追。坐以待旦，俟其亡也，而往拜之，稱之曰：夫人某在斯。某在斯。良人出，又顧而之，他比其反也。二者不可得兼，彼亦人也。我亦人也。無以異也。二嫂使侍，朕棲不亦樂乎？其妻告其妾曰：孔子聖之時者。

也。願留而受業於門。不樓其愚。不可及也。則將樓之乎。

子曰。小子聽之。不孝有三。無後爲大。老而無妻。曰鰥。邦君之妻。假我數年。不幸短命死矣。二三子舉爾所知。有托其妻子於其友。夫子欲之。

子食於有喪者之側。席不正。子哭之。慟。王孫賈問曰。傷人乎。子曰。朋友死。何有於我哉。非夫人之爲。慟在陳絕糧。比及三年。未嘗飽也。雖蔬食菜羹。亦我所欲也。以吾從大夫之後。席不正。不坐。三嗅而作。望望然去之。予不得已也。子曰。有婦人焉。長一身有半。及席其大。無外。油然作雲。沛然下雨。吾末如之何也已矣。吾老矣。不能用也。以爲能勝其任也。其由也。與子路聞之。喜歌而過。孔子曰。己所不欲。弗施於人。

齊人歸女樂。子曰。樂而不淫。未盡善也。公西華曰。仲尼戒之在色。不可以長取樂。今之狂也。蕩。後世必爲子孫憂。夫子哂之曰。朽木不可雕也。侍妾數百。

人雖欲弗用不可得也。季桓子受之與朋友共禮也。竊負而逃則吾豈敢。子見南子脅肩諂笑稱之曰夫人桃之夭夭不亦樂乎。子路曰先生將何之。若有一個臣又從而追之則如之何。夫子莞爾而笑曰夫人不言斷斷焉無他技竊負而逃從我者其由與。

子曰賢哉回也。嫂溺援之以手鞠躬如也。人皆掩鼻而過之回也不改其樂賢哉回也。

子疾病不可以風儀封人請見閉門而不納。康子饋藥。標使者出諸大門之外左右皆曰人之將死無可禱也。自作孽不可活斯人也而有斯疾也。亡之命矣。夫子聞之曰老而不死是爲賊是非爾所知也。

齊人有一妻一妾當暑二女裸浴乎沂子在川上睨而視之曰時哉時哉。白玉之白猶白雪之白其間必有可觀者焉惜乎吾老矣視之而不見吾何以



觀之哉。

子曰。小子聽之。鄉人饋燔肉不至。二三子其求之。與返命曰。肉雖多。割不正。子曰。無傷也。子路行以告。歸孔子豚。色惡。臭惡。子路曰。請嘗試之。子不語。訞。訞然有喜色。匍匐往。將食之。三咽。已饜蹙。曰。三月不知肉味。其然。豈其然乎。門人惑。三嗅而作。舉疾首蹙額而相告曰。是可忍也。孰不可忍。出而哇之。子食於有喪者之側。必饜酒肉而後返。觀其色怡怡如也。子路曰。臨喪不哀。圖哺啜也。難矣哉。小子鳴鼓而攻之。

子曰。有婦人焉。昏暮叩人之門戶。巧言令色。求善賈而沽諸。則如之何。子路率爾而對曰。如五六十。固所願也。顏淵曰。惡。是何言。此物奚宜致哉。閉門而不納。子曰。旨哉言乎。猶欲其入而閉之門也。回也不愚。

齊人歸女樂。聞絃歌之聲。子曰。洋洋乎盈耳哉。不圖爲樂之至於斯也。夫我

則不暇。或問之曰。何也。夫子憮然曰。鄭聲淫。猶沓沓也。血氣既衰。則具體而微。以爲不勝其任矣。不然。則丘竊取之矣。非惡其聲而然也。或曰。富貴不能淫。是焉得爲大丈夫乎。按此文乃述新聖人口吻。非誣曠古聖人也。

### 飛行記

予不自知於何時。身入睡鄉。吾身有如繭縛。不可轉側。目無所見。耳無所聞。沈沈杳杳。並知識而俱無。不知歷幾何時。忽覺奇暖徧體。作癢弗可忍耐。極欲爬搔。而身弗能動。啓我雙睫。賴有稍稍隔幕之光。則知我之身。軀裹在羅衾之中。惟睡態弗良。至羈其首。乃探而出之。則覺有至猛烈之光線。奪目幾眩。幸爲和風所吹。精神漸以恢復。惟手足尙在衾內。衾裏甚密。弗獲推衾而起。則不得不自衾口。蛇行而出。顧余身被束縛既久。一旦脫穎而出。覺頗舒暢。因而拂拭襟袖。則覺所御之衣。爲狀至怪。極似鄉黨所記之孔子寢衣。長

逾。一。身。有。半。廣。如。鄂。被。似。有。機。軸。貫。連。吾。背。我。欲。動。者。則。廣。幅。舒。張。似。可。凌。虛。而。起。予。乃。驚。喜。過。望。竊。念。吾。身。乃。在。最。新。式。之。飛。行。機。中。乎。時。好。風。方。自。東。來。吹。我。衣。袂。翩。翩。欲。舉。自。覺。身。輕。如。絮。幾。不。可。以。自。持。則。竟。盤。旋。於。空。中。下。視。所。經。之。地。殊。不。辨。爲。何。所。茂。林。叢。樹。名。山。大。川。觸。目。皆。是。俱。向。足。底。如。流。而。過。俄。頃。風。力。少。定。予。力。且。憊。漠。不。自。覺。墮。於。平。地。之。上。此。地。不。知。何。名。風。土。特。殊。予。所。駐。足。之。處。平。滑。如。砥。不。生。寸。草。狀。若。琉。璃。廣。不。過。百。步。稍。稍。行。動。則。地。軸。且。顛。以。意。度。之。殆。浮。載。於。空。氣。中。之。星。球。也。故。其。四。邊。凌。虛。冒。險。俯。眺。則。數。千。丈。以。下。山。林。叢。勝。固。人。間。界。也。行。人。如。蟻。類。不。我。見。而。我。視。之。亦。惟。作。黑。色。小。點。不。能。辨。其。形。狀。仰。而。視。之。則。見。如。我。所。履。之。地。尙。不。知。有。幾。千。萬。處。似。雲。非。雲。高。下。層。疊。類。可。攀。擠。而。登。予。因。移。步。近。之。則。有。飛。梁。接。於。鼇。柱。之。上。果。緣。而。登。者。爲。狀。亦。險。因。復。審。視。上。層。之。平。地。見。有。細。草。叢。

生狀如麥浪。乃不生於地面。而反生於地背。爲可怪耳。方予審視間。忽覺上層之地。搖搖欲墮。若使壓而下者。則吾身立扁。因之大怖。急復運動我之飛行機而升。任其所之。初無成意。不圖俄頃之間。又復抵一奇境矣。吾身所駐之地。似一小島。地勢略如長蛇。下臨大海。汪洋無垠。莫窮其極。島中樓閣櫺比。悉以紅玉爲房。不可勝數。小者如圓亭。門戶四閉。不得而入。其上似有天窗。予乃驟升而上。自屋頂窺之。覺有異香。一縷直透予腦。沁入肝脾。幾乎洪醉。以意度之。殆酒窖也。方猶夷間。俄聞有人作歌。其聲大如洪鐘。約略辨其辭曰。美哉東風。乎晴日烘烘。晴日烘烘。乎美哉東風。予心大異。意必島中之人醉而作蠻歌也。顧弗得見其人。引領四矚。乃始得之。距我所履之地。可五百碼以外。有一瓊台。狀如佛像蓮花之座。大則數倍。台之中心植奇樹數十。本色如黃金樹。無旁枝。但有直榦。榦之上端開一奇葩。狀若照乘之珠。其色

亦黃此醉人者。軀幹極偉。衣黃羅之衣。襟袖亦廣。但不及予狀。似武人挾一長矛。露其鋒端於後衣之外。面目有如獐鬼。直不類人。此時踞瓊台之上。手足矯健。競摘樹上所有之珠。攫入腰囊。囊飽且裂。口中則復噙噙。作聲歌其東風烘烘之辭。以鳴得意。予因念此奇樹之珠。迨仙果歟。不則彼人胡恣意採啖。惜予遠不能及。因而嘆惜。收我眼光。及於近處。則所謂瓊台者。固不止一處。近予身傍。本有一台。儘可攀而登之。於是乎登。仿彼醉人之所爲。採取一珠。略試嘗之。則芳甘沁齒。飢渴立解。心乃大喜。詎知忽有驚天動地之事。發於其時。則此小島無端陸沈。予初以爲眩耳。而孰知此島復有彈性。方一沈間。旋復一躍。樓台悉數坍塌。而予身亦被彈至空中。幸有廣袖得以乘風而行。得免於難。推原其故。殆地震歟。孰知其非。此時蓋有極可怖之一大怪物。映入我之眼簾。此怪物者。厥狀類人。特人類必無如是之巨。較之金剛佛。

像大且百倍我方乘飛行機過其前就我目光所及者惟一鼻端其高大乃如峻嶺而兩目之巨則七石缸差可擬也假令予非人類予必不能識其爲人時予心中以爲我亦人耳不過藐乎其小要之無涉於彼而孰知此巨人者見我么渺之軀目爲奇貨張口向我而笑其口之巨可容吾輩數百岸然而入城闔無若是之高曠也在勢吾當趨避然此巨人之頭上實有奇觀至堪駭異蓋方纔小島間之樓閣瓊台今悉裝置於此巨人頭上而巨人不以爲重吾觀其髮粗如巨纜縮成一髻高逾百丈髮縷橫盤層層如石級苟拾而登爲程殆可百里然吾賴有飛行機在固不必拾級而登瓊台中之奇樹予經一嘗風味意殊戀戀乃思近而啖之則不圖忽有一物壓天而下吾身渺如一粟立眩而踣自分此身必成齏粉乃疾聲呼救而應之者曰君其夢覓也耶凝眸省視則余妻方以手撫余肩予身乃在園亭中湘妃榻上時余

嬌女狂笑而進以指拈一生物示其母曰兒以小扇撲得此小蝴蝶矣予始恍然失笑蓋所謂巨人者卽吾女也渠方扳折桃花插之髻上乃知吾身所歷之島實桃樹枝耳汪洋大海則花下之小池也名山巨川則階前之碎石茂林叢樹則階前之芳草人物則固螻蟻耳碧琉璃地則桂花葉也因之大笑起視闌干之側蝶蛹尙在則知所謂羅衾者蓋蝶之蛹耳

戲爲黃包車夫擬造四年度預算表冊

爲咨送事。案查各省公報載開現奉 財政部咨催各省巡按使飭屬造送四年度預算表冊以憑支配國家歲出入款項等因奉此查本車夫同居本國未必無家相應將本車夫家用經費造具四年度預算表冊咨送 貴會希煩查照備案施行此咨

儉德會會長

予爲車夫。

計咨送四年度經常臨時歲出入預算表冊各一份

中華民國四年三月四日

予爲車夫。謹將關於本車夫預算四年度經常出入兩費。遵照部頒格式。開具款項目節。陳列比較表外。造冊咨送。

鑒核須至冊者。

計開

一歲入經常門 共銀元一千零八十二元七角四分

第一款 正項收入 共銀元四百四十八元七角五分

第一項 財政收入 共銀元三百七十二元三角

(說明)前項收入係根據財政學原理以勞力而得收益之款查本車



夫每日拉黃包車一班每一小時約得小洋二角或銅元二十枚十枚不等平均以銅元十七枚計每日下午三時起至上午四時止計十二小時共得收入錢二千零四十文七折合銀元一元四角二分八厘除納車租洋四角外每日得收入洋一元零二分以三百六十五日計算合計如上。

第二項 內務收入共銀元七十六元四角四分

(說明)前項收入係由家庭中整理內務而得收益之款查本車夫有黃臉婆一員平日在家替人漿洗衣服盡一日之力能漿洗衣服十件或二十件不等長衣每件三十文小衫褲每件十六文平均每日十五件每件二十三文得收入錢三百四十五文七折合洋二角四分一厘五毫除肥皂石鹼麵糊開水成本外約得純益收入二角二分以一

八十二日計算歲入銀元四十元零零四分又出門縫窮補襪除針線成本外每日約得洋二角以一百八十二日計算歲入銀元三十六元四角兩共合計如上本項因除陰歷元旦休息一日故全年只作三百六十四日理合登明。

第二款 雜項收入共銀元六百三十四元。

第一項 副業收入共銀元八十三元。

(說明)前項係於拉車專業外之收益故稱副業。查本車夫每於交班後黎明即起率領黃臉婆與本車夫合力製造產出之小把戲兩名分赴各處馬路及弄堂內收拾香烟蒂頭平均每日約得一磅售與浦東及寶山路滑頭烟廠可得洋二角年計收入如上。

第二項 官息收入共銀元五百五十一元。

(說明)查本車夫三年度預算出入相抵得賸餘洋八十五元五角六分五厘。因年度尙未終了。碍難決算。曾以預算表出示同行糾集一會計洋一元。購買新華儲蓄票一條。陽歷四月十五開彩。應得一萬元。除票行九五扣外。即日存入銀行。自四年四月十六起息。至民國五年六月末日。應得四厘存息如上。

一歲出經常門 共銀元一千零八十一元七角四分。

第一款 實業費共銀元二百十九元一角七分五厘。

第一項 戒烟費共銀圓五十四元。

(說明)本車夫素有烟癮。以鴉片價昂。改服戒烟丸。每日吞服六次。每次一角。經家屬會議決定於四年七月一日起逐漸減少。預算三個月戒烟合計如上。

第二項 香烟費共銀元三十六元

(說明)本車夫向來每日吸食紙捲烟約十二支。預算戒絕鴉片以後嗜好必增一倍。連火柴并計如上。

第三項 膳食費共銀元一百十二元一角七分五厘

(說明)家中男女大小共計四口。本車夫食量兼人。但以小把戲胃口有限。故得平均仍作四人計算。包飯三客。每月大洋九元。逢禮拜日添買醬肉五塊。本車夫例吃兩塊。合計如上。

第四項 住宿費共銀元十八元

(說明)本車夫寄住武帝行宮。月輪租賃費大洋五角。有時寄宿於胡家宅。或花烟間。每次出寄宿費一元。年約十二次。合計如上。

第二款 預備費共銀元八百六十三元五角六分五厘

第一項 第一預備費共銀元三百十二元五角六分五厘。

(說明)前項以財政內務副業三項固定收入共銀元五百三十元七角四分。除前列一、二、三、四各項必要支出外，故得設第一預備費如上。

第二項 第二預備費共銀元五百五十一元。

(說明)因歲入經常門第二款第二項未必可恃，故以全數列作第二預備費，謹登明。

備考

查預算法規定，以收支適合為原則，故將所有剩餘全數列作預備費，專為推廣營業，購置車輛之預備，無論如何，不得移作他用。已飭家屬一體遵照，即使收入門之第二款第二項，歸於無着，則支出門之第二款第一項，亦即毋庸提存。預算年度終了，辦理決算，無論如何，必得留存大洋三

百元左右。合併聲明。

附表

予爲車夫辦理民國四年度歲出入經常費預算表

歲入經常門

科	目	四年度預算數		三年度預算數		比較		說明
		增	減	增	減	增	減	
第一款	正預收入	四四八·七四〇		四四八·七四〇				詳見正冊
第一項	財政收入	三七二·三〇〇		三七二·三〇〇				
第二項	內務收入	七六·四四〇		七六·四四〇				
第二款	雜項收入	六三四·〇〇〇		無		六三四·〇〇〇		上年未列此項預算故增
第一項	副業收入	八三·〇〇〇		無		八三·〇〇〇		同上
第二項	官息收入	五五一·〇〇〇		無		五五一·〇〇〇		同上
合		一〇八二·七四〇		四四八·七四〇		六三四·〇〇〇		
歲出經常費								

科目	目		比		說明
	四年度預算數	三年度預算數	增	減	
第一款 實業費	二一九・一七五	三六四・一七五			一四五・〇〇〇詳見正冊
第一項 戒烟費	五四・〇〇〇	二一六・〇〇〇			一四五・〇〇〇上年日吸鴉片六角故減
第二項 香烟費	三六・〇〇〇	一八・〇〇〇			本年戒吸鴉片以心理上之必要故增
第三項 膳食費	一一二・一七五	一一二・一七五			
第四項 住宿費	一八・〇〇〇	一八・〇〇〇			
第二款 預備費	八六三・丑六五	無			八六三・五六五上年未設預備故增
第一項 第一預備費	三一二・五六五	無			三一二・五六五同上
第二項 第二預備費	五五一・〇〇〇	無			五五一・〇〇〇同上
合	計一〇八一・七四〇	三六四・一七五	七六三・五六五		

備考

三年度預算。不設預備。收支兩抵計得餘剩洋八十二元五角六分五厘。四年度如亦不設預備。得剩餘洋八百六十三元五角六分五厘。如將收入第二款第二項支出第二款第一二項一併刪去。亦得剩餘洋三百一十一元五角六分五厘。實為穩固。合併登明。

按社會經濟困難。至於車夫極矣。乃以勤務收入。歲計預算。尙得實在盈餘。三百餘元。而其自奉。亦非不豐較之國家預算。左支右絀。量出爲入者。其苦樂爲何如。興念及此。爲之擱筆浩嘆。然使人人勤務。而能如此車夫者。則吾國之富要亦不難翹足而俟也。天虛我生識。

### 戲擬財神娘娘聲明書

此次儲蓄票開彩。得頭獎者。均爲上海女士。以致人言藉藉。僉以予夫有所阿好爲疑。甚且有謂予夫實受廣化仙姑。及湘綺老人等運動所致。此蓋不知內容之甚者也。故爲諸君一陳述之。儲蓄票開彩之前三日。適北京考試知事。在例凡屬考試。應由魁星監臨。以定棄取。乃是科舉廢後。魁星已經罷職。且因魁星形狀不雅。未免形容過甚。（魁星看見金錠。則眼光突出。提起筆來。則脚筋吊起。故其形狀。絕似考試知事。）爰奉上帝勅旨。特派文財神



以代其職。文財神卽予夫也。蓋因予夫冠裳楚楚。相貌堂堂。足爲知事者之表率。而其能否考取。尤當視其將來之財運如何。故與予夫實有密切之關係。予夫旣奉此差。卽無餘暇。兼顧儲蓄票開彩之事。用以委託鄙人代爲酌奪。鄙人雖伏久矣。深怪世人。只知趨奉文武財神。而不知財神娘娘實操全權。各種神廟。必有後殿。以供娘娘。而獨財神殿無之。故鄙人必當一出風頭。將使普天下人。自今伊始。亦知財神娘娘之靈。而認鄙人爲破天荒之女財神也。至所以必獎上海女士者。則因上海妓院中。每燒路頭。予夫慍於內訓。例不敢往。故皆鄙人爲之代表。飽聽笙歌。且饜酒肉。且趨奉財神者。實以上海女界爲最。故鄙人早有心願。必當有以獎之。但此次不獎妓院。而獎人家。人者。則又別有原因。蓋自救國儲金發起以來。一般女界。居然振袂而起。但爲數有限。不足爲女界生色。故以此次獎金。盡歸女界。望其捐入中國銀行。

以厚儲金之力而增女界之光。若使妓女得此，則必窮奢極慾，以修衣飾，徒以黃金擲之虛牝，要非民窮財盡之國所當有者。本此理由，自謂冥冥之權實本至公。然於予夫無與也。用特聲明，世有欲得第二次頭等獎者，但依鄙人三件事可矣。

一於財神殿添塑財神娘娘。二燒路頭，必供女財神。三得獎者宜悉數捐助救國儲金。

鈍根按天虛我生客靖江，以此作示予，適與予先刊之作同爲財神太太立言。篇中勸助儲金意，又復不謀而合。可見救國之機，盡人在念。又安知此文出版之日，諸女士不已將頭彩獎銀大半移助救國儲金耶？是則予與天虛我生爲多言，而諸女士之急公好義，益令人感佩至於無地也。

### 戲擬河塗縣判決竊賊案

## 事實

據管德牢於某年月日。訴稱昨夜二更時分。陡聞屋後有挖壁撬門之聲。知爲宵小。卽起偵探。由前門兜轉後門。當場拿獲竊賊一名。卽擬扭送警察。詎被反抗毆傷。請照竊盜傷害兩罪律辦等語。同日據詹伯進訴稱。民人向從後巷以達前巷中間。並無阻隔。自管姓起造房屋以來。遂致阻礙交通。昨夜因有要事不及繞道。爰叩管宅後門。暫時借路通過。詎被指爲竊賊。痛加毆辱。欲取民人死命。不得不爲正當防衛。以致拒傷。並非有意等情。當經傳集兩造。訊各與訴相符。惟理由各執。爰據事實爲之判決。

## 理由

查管姓房屋。適占前後巷之中心。當起造時。並未報明警署。得其許可。亦未稟請給示。懸門禁止出入。是詹伯進意欲循舊通行。叩門借路。自屬正當行。

爲何得指爲竊賊抑且詹伯進並未侵入其宅第尤無罪證可言管德牢因壅塞陸路致詹伯進有往來之危險實犯妨害交通之罪照新刑律二百十條之規定應科四等有期徒刑又以竊盜起訴意圖詹伯進受刑事處分是誣告罪亦已成立照第一百八十條應科以二等有期徒刑又指摘事實公然侮辱詹伯進爲竊賊實犯妨害名譽之罪照第三百六十條應科以五等有期徒刑三罪俱發合依第二十三條第三款之規定於各刑合併之刑期以下其中最長之刑期以上併科如主文至詹伯進毆傷管德牢之所爲係因不正之侵害而爲防衛應照第十五條之規定不爲罪

### 主文

管德牢應處四等有期徒刑二年十一個月又二等有期徒刑九年十一個月又五等有期徒刑十一個月零二十九天三罪併科合處徒刑十三年零

十個月二十八天。被告詹伯進宣告無罪。

按法律不良。詭異百出。執法者左右其辭。出入顛倒。正可以有罪爲無罪。以無罪爲有罪。雖諧著。要不妨作如是觀也。悲夫。

### 擬訂倡妓隨從制服規則

竊讀江蘇省公報第五百二十五期內載內務部奉大總統命令制定隨從人等應用制服規則及圖式。合中東滿漢古今文武之章服而求備於一身。誠美觀哉。惟滬上所有各妓隨從。是否適用甲種制服。未有明文規定。似一疑問。但依法律文例解釋。其第二條第二項云。前項帽章。凡非官吏之隨從。不得綴用。又第四條內開。乙種衣限於軍警及乘軍警各高級官吏之隨從。適用之等語。則凡非官吏非軍警之隨從。皆得適用甲種制服。但不綴用帽章而已。倡妓隨從。自應視同一律。要可斷言。惟如非官吏之隨從。有時從

其主人或以個人資格身入妓院之際其服式均與倡妓隨從無所區別似亦於大部所謂別等威明貴賤使之不相踰越之旨不無大背爰訂倡妓隨從制服規則及其圖式擬請將軍巡按使咨陳內務部轉呈 大總統鑒核施行。

### 計開

#### 倡妓隨從制服規則

第一條 烏師相幫人等應依本規則着用制服但不着制服時須戴制帽。

前項隨從人等於行禮時不得脫帽（相見禮當行縮頭禮）

第二條 帽式如第一圖色綠質用本國毛絨夏用羽毛。

第三條 帽章用淡菜式橡皮質中心塗白凹縫塗紅上端綴以黑鬚。

前項帽章凡非倡妓之本家不得綴用。

第四條 衣分二種。

(甲種)如第二圖(乙種)如第三圖同時並用非倡妓之隨從出於本人志願或不得已時雖官吏亦適用之。

第五條 腰帶色黃帶扣作纈式如第四圖。

第六條 雨衣並帽式與第一二三圖同質用烏金紙髹以退光黑漆。

第七條 本規則以標客認可之日施行 圖之說明如左

第一圖說明 帽式略與部定隨從制服第一圖同但改五瓣爲七瓣以取亡入之義帽頂微凸前後緣加以頭尾右左生足凡四以象龜形帽章綴於龜頭之上。

第二圖說明 甲種衣式略與部定隨從制服第二圖同色用墨灰質用鷄皮湖縐夏用縐紗不用綠瓣。

第三圖說明 乙種衣式。略與部定隨從制服第六圖雨衣式同。但不用披肩。成長背心形。前面色白。綴紫色。瓣縱橫如非字形。背面色黑。綴金。瓣作六小角塊成網形。以硬質爲之。

第四圖說明 腰帶式略與部定隨從制服第三圖同。色黃。以稻草爲之。帶扣作十字纈形。紐長五寸許。盡向外。（各圖均見第五百二十五號江蘇公報故不贅）

### 代朱淑眞控白香詞譜狀

爲妨害名譽。提起訴訟事。竊查舒夢蘭所輯白香詞譜。內有生查子一闋。云去年元夜時。花市燈如晝。月上柳梢頭。人約黃昏後。今年元夜時。月與燈依舊。不見去年人。淚濕春衫袖。署爲淑眞所作。遂令天下後世。輒以幽棲易安相提並論。詆爲有文無行。然易安再適張氏。具載胡仔茗溪漁隱詞話。及趙



彥衛雲麓漫鈔。李心傳中其事固無可諱。淑真雖所偶非倫。弗遂素志。但只自傷薄命。未嘗稍有異志。故號幽棲居士。所著斷腸集十卷。旋亦散佚。雅不欲以流傳於世。毛晉汲古閣跋言之甚詳。晉跋稱淑真詞。僅見兩闕於草堂集。又見一闕於十大曲中。後得洪武間鈔本。乃與漱玉詞並刊。然至二十七闕。非原本也。因楊升庵詞品中載有月上柳梢頭一闕。指爲淑真所作。晉跋遂復稱爲白璧微瑕。然此月上柳梢頭之詞。實係歐陽修所作。原詞具載廬陵集第一百三十一卷中。而毛晉刻汲古閣宋名家詞六十一種。六一此詞亦在其列。是皆斑斑可考。詎得謬爲淑真手筆。查楊升庵乃楊朱後人。因先叔朱文公（按斷腸詞紀略淑真爲文公姪女）註四子書時。嘗斥楊朱爲異端。故挾世仇。以誣淑真。初無足怪。特怪毛晉既刻淑真之詞。行世復刻六一之詞。於宋名家集中。一詞兩見。何以絕不一察淑真之斷腸集。雖已失傳。然

歐陽修之廬陵集固在乃不一檢輒沿升庵詞品加以重譴竟於跋中證實爲白玉微瑕毋亦魯莽之甚然毛晉乃毛延壽後人顛倒是非已成千古遺傳之性不足深責惟舒某既訂詞譜用以傳世詎可不加考訂貿然盲從致令千古沈寃迄難一白敗人名節莫此爲甚九原之下寧不益復斷腸茲值民國法律改良此等妨害名譽之罪既已著有專條爲此提起訴訟請求照律處分治以相當之罪並勒令登報更正實爲德便

上海图书馆藏书



A541 212 0019 0130B

朝  
圖  
游  
戲  
文  
集



三三

上  
圖  
轉  
庫

中華民國十年六月再版



著作  
權所有

著者 天虛我生

校刊者 周拜花

出版者 栩園編譯社

印刷者 中華圖書館

發行所 外埠各大書莊



栩園遊戲文集

一冊

定價二元四角

111